

明治新刻

國史略

石村貞一編輯

三

11

53口

卷之三目次

後堀河天皇	四條天皇	後嵯峨天皇
後深草天皇	龜山天皇	後宇多天皇
伏見天皇	後伏見天皇	後二條天皇
花園天皇	後醍醐天皇	後村上天皇
長慶天皇	後龜山天皇	後小松天皇
稱光天皇	後花園天皇	後土御門天皇
後柏原天皇		

大日本教育會館
 第七國
 三架
 五號
 七冊

百一十

頁

0 1 2 3 4 5 6 7 8 9 10 1 2 3 4 5

始



特31
S17

11
53口



國史略卷之三

長門

石村貞一 編輯

後堀河天皇諱茂仁高倉帝孫後高倉院第三子也。神皇

紀元一千八百八十一年
辛巳歲七月九日踐祚

正統母北白河院藤原氏贈太政大臣基家之女。增鏡

承久三年七月踐祚于閑院。百鍊以前關白家實攝

政。公卿補任○北條泰時時房在六波羅鎮京師泰時居

北方時房居南方。將軍權次第兩六波羅是為始。太平記○

八月尊守貞親王曰太上天皇。歷代○十二月即位

于太政官廳時年十歲。一代要記○太政大臣公房罷以

始置兩六波羅

貞應元年
承久四年
四月十二日
改元

攝政家實為太政大臣補公卿○貞應元年壬午夏四月

家實罷太政大臣○八月以內大臣藤原公經為太

政大臣要記○二年癸未夏四月太政大臣公經罷公卿

補○五月太上法皇崩諡後高倉院百鍊○十二月

以攝政家實為關白公卿○元仁元年甲申夏六月鎌

倉執權北條義時卒子泰時嗣為執權將軍○義時

沈深有膽略外示謙遜內實陰狡嘗和田義盛之反

也方與客棋報至終局而起更服適府指揮諸將遂

破之自賴朝薨專執兵權廢置天子進退大臣國家

大柄一歸于己至是為其近侍所刺殺保曆○北條

元仁元年
貞應三年
十一月廿
日改元
北條義時卒
武藏太郎
修理亮時
氏

掃部助時
盛

僧親鸞倡一向

嘉祿元年

元仁二年

四月廿日
改元

新制三十六條

安貞元年

嘉祿三年

十二月十
一日改元

僧道元倡曹洞

宗
寬喜三年

安貞二年

三月五日
改元

貞永元年

時氏時盛代鎮兩六波羅將軍○是歲僧親鸞始

倡一向宗諸宗○嘉祿元年乙酉秋七月故將軍賴

朝配平政子薨政子為人明決佐賴朝定天下為諸

將士所畏服目曰尼將軍以其拜從二位又曰二位

尼東鑑○十月下新制三十六條百鍊○二年丙戌春正

月以右近衛少將藤原賴經為征夷大將軍公卿○

安貞元年丁亥夏四月京師火延及大內明月○是歲

僧道元始倡曹洞宗諸宗○二年戊子冬十二月關

白家實罷以前攝政道家為關白○寬喜三年辛卯秋

七月關白道家罷以左大臣藤原教實為關白公卿

補任

寬喜四年四月二日

改元貞永二年

四月十五日

日改元天福二年

年十一月十五日

改元文曆

新救撰和歌集

成

十月四日

讓位

頒貞永式目五十條

八月六日

崩

紀元一千八百九十二年

○貞永元年。壬辰冬十月。權中納言藤原定家。上新救撰和歌集。增鏡定家才思絕倫。好作和歌。嘗撰天智帝

以下至當世和歌一百首。書嵯峨中院障子。明月世謂之百人一首。其日錄曰。明月記。○帝禪位於皇太子。

五代帝子。王物語○是歲。北條泰時頒式目五十條。東鑑○文曆元年。八月。帝崩。壽二十三。葬于山城東山觀音寺。

一代帝資性寬仁。政不苛酷。百鍊鈔頗有藻鑑好學。每召對儒臣。論談移刻。凡百玩好。未嘗留意。遇嬪御恩眷均一。無有濫幸。其秉心類如此。明月記

四條天皇諱秀仁。後堀河帝之子也。母藻壁門院藤原氏。關白道家之女。皇代貞永元年十月。受禪。時年二

歲。百鍊鈔以關白左大臣教實攝政。公卿補任教實與將軍賴經。皆道家子。道家又以帝外祖。威權隆赫。朝野傾心焉。五代帝王物語○嘉禎元年。春正月。攝政教實薨。以前關白道家攝政。明月記○三年。春三月。攝政道家罷。以左大臣藤原兼經攝政。玉藥○曆仁元年。春閏

二月。盜竊晝御座。劍。帝王編年記○秋七月。以前左大臣藤原良平為太政大臣。○延應元年。春正月。太政大臣良平罷。公卿補任○仁治元年。庚冬十二月。以攝政兼經為太政大臣。平戶記○二年。辛丑冬十二月。攝政兼

仁治元年。二月七日。改元。延應二年。

嘉禎元年。文曆二年。九月十九日。改元。曆仁元年。嘉禎四年。十一月廿三日。改元。延應元年。曆仁二年。二月七日。改元。仁治元年。延應二年。

壬辰歲十月四日踐祚

七月十六日改元

僧圓爾與菅原為長問答
圓爾姓平氏駿河人

國師號始此

正月九日崩

經罷太政大臣公卿補任○是歲僧圓爾歸自宋會參議菅原為長于太政大臣兼實第為長世儒常欲折圓爾兼實曰今日兩雄相遇勝敗可決圓爾曰我法授受自世尊五十五世達摩以來二十七世雖強弩之末猶以系受得稱釋氏以釋例儒恐亦當然不知公於孔子幾世為長不能應退謂人曰我欲以道義相角彼以世系陷我矣藤原道家創東福寺圓爾居焉正和中謚聖一國師國師之號始此元亨釋書○三年壬寅春正月帝崩壽十二歷代皇記帝幼冲嬉戲宮廊塗滑石未欲令嬪御顛仆而調笑之返自誤倒犬遮繞吠之

人以為不祥亡幾帝崩五代帝王物語葬于山城泉涌寺皇年

代略記

後嵯峨天皇諱邦仁土御門帝第四子也一代要記母贈皇

紀元一千九百〇二年壬寅歲正月廿日踐祚

太后源氏贈左大臣通宗之女百鍊鈔仁治三年正月

四條帝崩無後修明門院及前攝政道家等欲立順

德帝皇子忠成王神皇正統記藤原中抄北條泰時意在立土御

門帝後詣鶴岡宮探籌亦協於是決意遣秋田城介

安達義景於京師翼戴帝即夜踐祚增鏡後中記以攝政

兼經為關白公卿補任○三月天皇即位于太政官廳○

關白兼經罷以左大臣藤原良實為關白增鏡○六月

詣鶴岡宮探籌

二月十八日即位

北條泰時卒
左近大夫
經時

僧高辨論治亂
之因在人欲

寬元二年
仁治四年
二月廿六日
改元
藤原賴嗣為征
夷大將軍

北條泰時卒。孫經時嗣為執權。東鑑泰時資性謙謹。不

喜登顯位。在職十八年。政平訟理。眾庶樂業。神皇正統記

初泰時在京師。訪梅尾僧高辨。高辨曰。治國猶治病。

也不察其原而藥焉。徒益病耳。治亂之因。在人欲。

公苟寡欲以率之。治可幾矣。泰時難之高辨曰。公正

心。未有形直而影曲。政正而國亂者也。泰時大悅。服

膺其言。數年風化大行。明惠傳及卒。都鄙無貴賤。若喪

考妣焉。百鍊鈔○寬元二年甲辰夏四月。大將軍藤原賴

經辭職。以其子賴嗣為征夷大將軍。年甫六歲。公卿補任

○四年丙午春正月。關白良實罷。以左大臣藤原實經

正月廿九日讓位
二月十七日崩

為關白。一代要記○帝禪位於皇太子。百鍊鈔文永五年十

月。雉髮。法名素覺。帝王編九年二月崩。壽五十三。一代

要記。火葬樂草院。奉安御骨於淨金剛院。皇年代畧記十年

六月。移藏御骨法華堂。吉續記帝性溫柔。仁而愛物。既

賴北條氏之推戴。不敢自專朝廷大事。皆仰成鎌倉

五代帝。脫屣後二皇子相踵臨祚。帝聽政院中。殆二

十年矣。特屬意龜山帝。欲使其胤子承續大統。神皇正統

記。立後宇多帝。居東宮。後北條時宗建議。立伏見帝。

為後宇多帝太子。自是後深草龜山二帝之後。迭承

皇統。朝廷益弱矣。梅松論

後深草龜山二
帝之後迭承皇
統

紀元一千九百〇六年丙午歲正月廿九日踐祚
後深草天皇諱久仁後嵯峨帝第三子也增鏡母大宮院藤原氏太政大臣實氏之女百鍊鈔寬元四年正月受禪時年四歲以關白實經攝政一代要記以前右大臣藤原實氏為太政大臣公卿補任○閏四月北條經時卒弟

北條經時卒

左近將監時賴後為

相模守越後守光

左近將監宣時

時賴為執權葉黃記○七月前大將軍藤原賴經為北條時賴所逐歸京師初時賴從父光時有寵于賴經密謀代時賴襲其職賴經亦預其謀至是發覺時賴流之伊豆東鑑○相模守時賴嘗召大佛宣時時已深夜時賴手一壺酒曰欲與子共之顧安所得有照紙燭索于度覩碟有殘醬取而佐酒其儉薄如此徒然艸

青砥藤綱遺十錢於水中

相模公司天下之直

寶治元年寬元五年

其用人不拘門地嘗擢青砥藤綱藤綱微者也奏為左衛門尉為引付衆有公文者與北條氏封人爭畔而訟衆皆畏時賴曲公文獨藤綱直之公文德之欲有所報夜苞錢投其後圃而去藤綱大怒曰相模公司天下之直直公文乃直相模公公宜見報是何舛也郵送其錢嘗夜行遺十錢於水中乃買炬照水撈之炬直五十錢或曰得不償失藤綱曰五十錢吾失人得十錢誰得之者我取六十錢以益於世不亦可乎聞者歎服太平記○十二月太政大臣實氏罷以前內大臣源通光代之公卿補任○寶治元年丁未春正月攝

二月廿八日改元

三浦泰村伏誅

若狹守泰村能登前司

光村

秋田城介景盛

建長元年

寶治三年

三月十八日改元

政實經罷。以前關白兼經攝政。一代要記○夏六月。三浦泰村等圖滅北條氏。北條時賴擊破之。泰村自殺。先是泰村之弟光村護送賴經至京師。臨別涕泣。潛有欲迎復之志。及還。其意益切。密運致私邑器仗。泰村知而不禁。時賴外祖安達景盛與泰村爭權相惡。因告其有異志。率族兵攻之。時賴亦遣兵擊之。泰村兵不能支。光村慷慨曰。嚮從關白密旨。早決事。則我族將專軍政。何有今日乎。舉族自殺。關白謂道家也。東鑑

○二年。戊申春正月。太政大臣通光罷。公卿補任○建長元年。己酉冬十月。定沽價法。百鍊鈔○是歲。北條時賴創建

禪師號始此

續後撰和歌集成

次郎左衛門久連大夫判官氏信

三品宗尊親王為征夷大將軍

長寺於鎌倉。閩中鈔宋僧道隆來居焉。弘安中謚大覺禪師。禪師之號始于此。元亨釋書○三年。辛亥冬十月。權大納言藤原為家上。續後撰和歌集。拾芥鈔○四年。壬子春二月。北條時賴廢大將軍賴嗣。送還京師。初前將軍賴經憤為時賴所廢。集兵京師。事未發。賴嗣遣長久連等誘諸將士。佐佐木氏信縛送之。於時賴時賴糾問得其情。乃廢賴嗣。奏請以後嵯峨皇子宗尊為主帥。東鑑○是月前。關白道家薨。公卿補任道家賴經父也。世稱其不良死云。○四月。以三品宗尊親王為征夷大將軍。百鍊鈔○十月。攝政兼經罷。以左大臣藤原兼平

新制十八條
僧日蓮倡法華

宗
康元元年

建長八年
十月十五

日改元
康元二年

三月十四
日改元正

嘉
武藏守長

正元元年

正嘉三年
三月廿八

日改元
正元二年

四月十三
日改元文

攝政皇代○十一月攝政兼平為太政大臣一代○

五年丑秋七月下新制十八條百鍊○十一月攝政

兼平罷太政大臣以前太政大臣實基復任○是歲

僧日蓮始倡法華宗閩中○六年甲春二月太政大

臣實基罷○十二月以攝政兼平為關白公卿○康

元元年丙冬十一月北條時賴有疾削髮時賴素信

禪宗粗通大旨嘗創最明寺至是退居養病以子時

宗幼冲令族長時代為執權東鑑○正元元年己冬十

一月帝禪位於皇太弟皇代正應三年二月剃髮法

名素實嘉元二年七月崩壽六十二歷代火葬伏見

應
十一月廿
六日讓位
七月十六
日崩

紀元一十九
百十九年已

未歲十一月廿
六日踐祚

弘長元年
文應二年

二月廿日
改元

北條時賴卒

藏御骨於深草法華堂伏見院御帝孝友和順脫屣
之後每侍後嵯峨法皇宴遊必從愉色婉容承意不
違增鏡

龜山天皇諱恆仁後嵯峨帝第六子後深草帝同母弟

也五代帝正元元年十一月受禪時年十一百鍊○

是歲自春及夏諸國疾疫餓殍盈道歷代○弘長元

年辛夏四月關白兼平罷以前關白良實復任公卿

○十二月以前左大臣藤原公相為太政大臣歷代

○三年癸冬十一月北條時賴卒年三十七臨卒作

偈曰業鏡高懸三十七年一槌破碎大道坦然時賴

用意政事嘗寫貞觀政要一部上將軍賴嗣東鑑及解職微服周遊四方問民疾苦察冤枉增鏡故郡國主宰自奮勵風化大行及卒士庶悲慟雞髮者多太平記○
 文永元年甲子秋七月鎌倉執權北條長時罷○八月北條政村代執權將軍執權次第○二年乙丑夏四月關白良實罷以左大臣藤原實經為關白公卿補任○十二月權大納言藤原為家上續古今和歌集本書○三年丙寅秋七月大將軍宗尊親王為北條時宗所逐還京師立其子惟康王為征夷大將軍增鏡先是僧良基嚴慧等親近宗尊謀滅北條氏事泄良基奔高

文永元年

弘長四年

二月廿八日改元

左京大夫

政村

續古今和歌集

成

立惟康王為征夷大將軍

松殿僧正

良基

法印嚴慧

蒙古因高麗求通好

相模太郎時宗

野山絕食而死嚴慧亦亡命於是時宗為此廢立東鑑
 ○四年丁卯冬十二月關白實經罷以左大臣藤原基平為關白攝關傳○五年戊辰春二月蒙古主忽必烈因高麗求通好高麗奉書附使獻方物朝議草答書時宗以蒙古書辭不遜卻其使五代帝王物語○三月鎌倉執權政村罷相模守北條時宗代之將軍執權次第○十一月關白基平薨○十二月以左大臣藤原基忠為關白公卿補任○六年己巳春蒙古使兵部侍郎黑的禮部侍郎殷弘元史奉書來求答書對馬嶋拒而不納蒙古虜嶋人二人去五代帝王物語○秋九月令高麗送還一人關東評定

蒙古又求通好

傳 ○八年辛未秋九月。蒙古使秘書監趙良弼元史與高

麗使俱來求通好。寫國書進之。朝議欲答書草示錄

倉。時宗不可。令太宰府逐還良弼等。吉續 ○十年癸酉

夏五月。關白基忠罷。以前右大臣藤原忠家為關白。

攝關 ○十一年甲戌春正月。帝禪位于皇太子。歷代正

應二年九月。雞髮法名金剛眼。法皇外記 嘉元三年九月

崩。壽五十七。一代要記 火葬龜山殿後山。分藏御骨於淨

金剛院。法華堂。南禪寺。金剛峯寺。增鏡文應 帝禪位

之後。聽政院中者十餘年。弘安中。蒙古來寇。帝深憂

之。御書願文奉大神宮祈以身代國難。增鏡

帝御書願文祈以身代國難

正月廿六日讓位
九月十五日崩

紀元一千九百三十四年

後宇多天皇諱世仁。龜山帝第二子也。皇代 母京極院

甲戌歲正月廿六日踐祚

藤原氏左大臣實雄之女。歷代 文永十一年正月受

禪。時年八歲。以關白忠家攝政。一代要記 ○六月。攝政忠

家罷。以左大臣藤原家經攝政。公卿補任 ○十月。蒙古兵

三萬來寇對馬。守護代宗助國戰死之。遂寇壹岐。守

護代平景隆戰死之。日蓮注 虜悉殺二嶋男子。虜女

子繩穿掌繫船外。進寇筑前。掠沿海諸邑。燒箱碕祠。

太宰府。兵力戰不利。八幡愚童訓 既而少貳景資射

殺賊將劉復亨。元史 虜軍夜逃。鎮兵進擊不及。獲船一

隻。一百二十人。斬之。八幡愚童訓 ○建治元年乙未夏四月。

蒙古兵寇對馬

右京亮助國

豐前守景資

建治元年
文永十二年四月廿五日改元

蒙古改國號曰元

時宗斬元使

上總介實政
始置筑紫探題

僧一遍倡時宗

蒙古改國號曰元遣其臣杜世忠何文著等至長門室津關東評定傳○八月以前右大臣藤原通雅為太政大臣公卿補任○九月北條時宗斬元使杜世忠何文著等五人於鎌倉減公私費用權停京師大番兵選武幹士分遣鎮西諸國以備元寇關東評定傳○冬十月攝政家經罷以前關白兼平代之公卿補任○十一月北條時宗以北條實政為九州探題以備元寇帝王編年記筑紫置探題始此○二年丙子春二月太政大臣通雅罷○冬十二月以攝政兼平為太政大臣公卿補任○是歲僧一遍始倡時宗一遍傳初村上帝時有僧空也周遊

弘安元年

建治四年

三月廿九日改元

續拾遺和歌集成

元兵大舉來寇

諸州以念佛為業扶桑略記至是一遍亦經歷天下勸化時人世謂之遊行上人遊行畧傳○二年丁丑夏四月攝政兼平罷太政大臣○弘安元年戊寅冬十二月攝政兼平為關白公卿補任○前權大納言藤原為氏上續拾遺和歌集救撰次第○禁車服僭侈增鏡○二年己卯夏六月元將夏貴范文虎等遣部將周福樂忠等諭以通好時宗斬之於博多關東評定傳○冬十月時宗遣兵筑紫備元寇帝王編年記○四年辛巳夏五月元兵大舉來寇以高麗人為前導蔽海而至我兵拒之壹岐對馬不利益徵兵諸道會太宰府歷代皇記○六月元兵據五龍山薄

草野七郎燒虜船

對馬守通
有河野通有獲虜將

大風敗虜艦

平壺北條實政督兵壓岸而軍部將草野七郎夜襲燒虜船殺獲千餘人虜悉聚其船鐵鎖聯之設弩其上官兵不得近河野通有以輕舸奮前矢中左肩通有益前仆檣架虜艦登之殺數十人獲一虜將安達次郎大友藏人踵進虜終不能上岸退保鷹嶋八幡童訓○秋七月二十六日會持戒僧數百口於石清水宮限七日夜誦尊勝陀羅尼轉讀大般若經歷代皇記○閏月朔大風有黑雲覆石清水宮有白羽鳴鏑出宮而西去增鏡虜艦為颶風敗壞少貳景資等奮擊殲之八幡童元兵十萬得生還者僅三人元史元不復窺我

北條時宗卒

貞時滅安達氏

左衛門賴綱
左衛門尉宗景

十月廿一日讓位

邊時宗之力也○七年甲申夏四月北條時宗卒于貞時嗣為執權將軍執權次第○八年乙酉夏四月以前關白左大臣基忠為太政大臣公卿補任○十一月北條貞時攻殺安達泰盛滅安達氏泰盛以貞時外祖為評定衆與貞時家宰平賴綱相軋賴綱譖之於貞時曰泰盛子宗景自謂曾祖景盛實賴朝子因有異心貞時遂攻滅之賴綱無復忌憚無何謀反伏誅一代要記保曆間記○十年丁亥秋八月關白兼平罷以左大臣藤原師忠為關白○太政大臣基忠罷公卿補任○冬十月帝禪位於皇太子皇代記德治二年七月薙髮法名金剛性延慶

天皇受真言奧秘

六月廿五日崩

元年正月。灌頂東寺。受真言奧秘於仁和寺僧禪助。築一堂于大覺寺側。謝絕人事。覃思密教。鏡躬為大阿闍梨。神皇正統記後使皇子性圓法親王住大覺寺。永傳真言之流。增鏡正中元年。六月崩。年五十八。一代要記皇胤紹運葬山城蓮華峯寺。皇年代畧記帝好學博涉衆藝。時論謂帝文學亞於後三條帝。神皇正統記

伏見天皇諱熙仁。後深草帝第二子也。歷代皇記母玄輝門院藤原氏左大臣實雄之女。皇代記弘安十年十月受

紀元一千九百四十七年
丁亥歲十月廿一日踐祚
正應二年
弘安十一年四月廿八日改元

禪。伏見院御記○正應二年。丑夏四月。關白師忠罷。以右大臣藤原家基為關白。○秋八月。以準大臣源基真

為太政大臣。○九月。關白藤原家基辭。右大臣公卿補任

○冬十月。大將軍惟康親王為北條貞時所逐歸京

師。以皇弟久明親王為征夷大將軍。初貞時聞惟康

親王有滅北條氏志。遽廢之。倒載網代輿送還世曰

將軍流於京師。將軍執權次第增鏡○三年。庚寅春三月。盜夜入

禁內。伏誅盜。問官女上所在。女給之曰。在南殿。盜赴

之上。實在中宮。乃女裝避春日殿。宿衛捕盜。盜上紫

宸殿自殺。刻其箭曰。太政大臣為賴。為賴稱淺原八

郎。以兇悍聞。所佩刀前參議藤原實盛刀也。因拘實

盛父子於六波羅。增鏡初帝之立也。非龜山上皇之意。

將軍流於京師

盜入大內伏誅

帝親政事

永仁元年
正應六年
八月五日
改元
鷹司氏之祖

及有為賴事。世以為上皇所使。上皇甚不安。賜誓書。北條貞時以申理焉。事乃寢。太平記 ○太政大臣基具公卿補任 ○天皇始親政事。帝王編年記 ○四年辛卯夏五月。關白家基罷。以左大臣藤原忠教為關白。○冬十二月以前內大臣藤原實兼為太政大臣。○五年壬辰冬十二月。太政大臣實兼罷。○永仁元年癸巳春二月。關白忠教罷。以前關白家基復任。公卿補任 ○二年甲申秋八月。前關白太政大臣兼平薨。歷代補任 稱稱念院。是為鷹司之祖。增鏡 ○四年丙申夏六月。關白家基罷。○秋七月。以左大臣藤原兼忠為關白。一代要記 ○六年戊戌秋七月。

七月廿二日讓位
九月三日崩

定後深草龜山二帝之後迭立年限

紀元一千九百五十八年
戊戌歲七月廿二日踐祚

帝禪位於皇太子。皇代記 正和二年十月薙髮。法名素融。文保元年九月崩。壽五十三。帝王編年記 火葬於深草。耐御骨於後深草帝法華堂。伏見院御中陰記 初天皇為北條時宗所援立。因與時宗子貞時謀立後伏見帝。後字多上皇。讓其違先帝詔。貞時遂議定。使後深草龜山二帝之後迭立。限以十年。終馴致元弘之亂云。神皇正統記梅松論

後伏見天皇諱胤仁。伏見帝第一子也。母准三宮藤原氏參議經氏之女。神皇正統記 永仁六年七月受禪。時年十一。天祚禮祀職掌錄 初伏見上皇諭北條貞時。龜山帝在

正安元年
永仁七年
四月廿五日
改元

正月廿一日
讓位

五上皇
四月六日
崩

位之日。每切齒承久之事。且其後。非卿家之利。貞時乃立帝。東鑑關白兼忠攝政。○十二月。攝政兼忠罷。以前左大臣藤原兼基攝政。○正安元年。夏六月。以前內大臣藤原公守為太政大臣。○冬十月。公守罷。○十一月。以攝政兼基為太政大臣。○二年。庚夏五月。攝政兼基罷。太政大臣。○冬十二月。以兼基為關白。公卿補任○三年。辛丑春正月。帝禪位於皇太子。一代要記太子長於帝三歲。時後深草龜山後宇多。并前後伏見。共五上皇。上皇之多。自古所未有也。元弘三年。六月。帝薨。髮法名理覺。後改行覺。延元元年。四月。崩。壽四十。

紀元一千九百六十年
辛丑歲正月廿一日
踐祚

乾元元年
正安四年
十一月廿一日
改元

九。皇代。火葬於嵯峨野。奉安遺骨於深草法華堂。皇代畧記
後二條天皇諱邦治。後宇多帝第一子也。母西華門院源氏內大臣具守之女。神皇正統記正安三年正月踐祚。時年十七。天祚禮祀職掌錄○夏六月。以前內大臣源定實為太政大臣。公卿補任○秋八月。鎌倉執權北條貞時罷。北條師時代執權。將軍執權次第○是歲。元兵寇薩摩。子敷嶋。吉續記○乾元元年。寅秋七月。太政大臣定實罷。○冬十一月。以右大臣藤原公孝為太政大臣。公卿補任○嘉元元年。癸卯冬十二月。前權大納言藤原為世。上新

八月五日
改元
新後選和歌集
成

駿河守宗
方

總治元年
嘉元四年
十二月十
四日改元

守邦王為征夷
大將軍
八月廿五
日崩

後選和歌集分脈○二年甲辰春三月太政大臣公孝

罷○三年乙巳夏四月關白兼基罷以左大臣藤原師

教為關白公卿補任○北條宗方矯大將軍久明親王命

殺北條時村尋伏誅保曆間記○德治元年丙午冬十一月

以前內大臣藤原實家為太政大臣公卿補任○三年戊申

秋八月大將軍久明親王為北條貞時所逐還京師

立其子守邦王為征夷大將軍○天皇崩于高倉殿

壽二十四歷代皇記葬于北白河殿一代要記天皇即位之日

右近衛中將藤原家定奉御劔倒授內侍世以為不
祥增鏡

紀元一千九
百六十八年

戊申歲八月廿
六日踐祚

花園天皇諱富仁トミヒト伏見帝第三子也神皇正統記母顯親門

院藤原氏左大臣實雄之女歷代皇記正安三年正月立

為皇太子至是踐祚時年十二增鏡以關白師教攝政

○延慶元年戊申冬十一月攝政師教罷以左大臣藤

原冬平攝政○二年己酉冬十月太政大臣實家罷以

前內大臣藤原信嗣為太政大臣○三年庚戌冬十二

月信嗣罷以攝政冬平為太政大臣○應長元年辛亥

春三月以攝政冬平為關白○夏四月冬平罷太政

大臣公卿補任○秋九月鎌倉執權北條師時卒族基時

貞顯連署行事以貞時子高時猶幼也○冬十月北

延慶元年
德治三年
十月九日
改元

應長元年

延慶四年
四月廿八
日改元

北條師時卒

相模守基

修理大夫

貞顯

北條貞時卒

條貞時卒。將軍執權次第貞時慕尚時賴之風。辭職之後。躬

被僧衣。游歷四方。訪民疾苦。時前內大臣源通基蒙

遣於後宇多上皇。屏居京南。貞時過其居。問故。通基

告以實。貞時曰。盍告諸鎌倉。申理。通基曰。彰君之非

以伸己之枉。我不忍也。貞時還。竟奏復其爵。邑云。平

記。○正和元年。壬子春正月。前大納言藤原為兼上玉

葉和歌集。增鏡○四年卯秋七月。北條基時為鎌倉執

權。將軍執權次第○五年丙辰秋八月。關白冬平罷。以左大臣

藤原道平為關白。公卿補任○是歲。鎌倉執權基時罷。北

條高時代執權。將軍執權次第○文保二年。戊午春一月。帝禪

正和元年

應長二年

三月廿日

改元

上玉葉和歌集

左馬權頭

高時

文保二年

正和六年

二月三日

改元

二月廿六

日禪位

十一月十

一日崩

捨離宮為妙心寺

位於皇太子。歷代皇記建武二年十一月。薙髮。法名遍行。

皇年代。正平三年十一月崩。壽五十二。葬山城十樂

院山上。園太曆帝好學善歌。園太曆深好禪法。以僧妙超

慧玄為師。捨花園離宮為妙心寺。居慧玄創一室於

其側。號玉鳳院。徙御之遺像尚存焉。妙心寺六祖傳

後醍醐天皇諱尊治。後宇多帝第二子也。母談天門院

藤原氏參議忠繼之女。延慶元年八月。花園帝踐祚。

時後二條帝皇子邦良當立為儲嗣。後宇多法皇曰。

朕有所思。宜先立尊治。次及邦良。神皇正統記立為皇太

子。至是受禪。時年三十一。後宇多法皇臨萬機。增鏡○

紀元一千九百七十八年
戊午歲二月廿六日踐祚

元應元年
文保三年
四月廿八日改元

續千載和歌集
成
元亨元年

元應三年
二月廿三日改元
法印玄慧

僧玄慧始倡程朱之說

八月以前內大臣藤原實重為太政大臣。○十二月關白道平罷。以內大臣藤原內經為關白。○元應元年。己未。冬十月。太政大臣實重罷。以前內大臣源通雄為太政大臣。公卿補任○二年。庚申。夏四月。前權大納言藤原為世上。續千載和歌集。增鏡○元亨元年。辛酉。冬十二月。法皇還政。復記錄所親聽。訟。神皇正統記廢諸新關。特存大津葛葉。一關。太平記帝留意政治。日與公卿及儒臣討論經史。增鏡僧玄慧以才學聞。召侍讀。先是。經筵專用漢唐諸儒注疏。至是。玄慧始倡程朱之說。云。尺素往。○二年。壬申。夏六月。大旱。米價躍貴。乃詔減膳。使檢

五郎三郎
堯勢
又太郎季長
新左衛門
高資

正中元年

元亨四年
十二月九日改元
土岐十郎
賴兼
多治見四郎
一郎國長

非違使別當源親房。喻都下富戶。發糶置場。監賣。太平記○是歲。陸奧人安藤堯勢與俵季長爭邑。而訟北條高時。皆賂其宰長崎高資。高資兩納之。不決。二人怒。據邑叛。高時遣兵擊之。不克。保曆間記○二年。癸亥。春三月。關白內經罷。以左大臣藤原房實為關白。○夏五月。太政大臣通雄罷。○冬十一月。以前關白冬平為太政大臣。公卿補任○正中元年。甲子。秋九月。北條高時殺土岐賴兼。多治見。國長於京師。執中納言藤原資朝。藏人頭藤原俊基等。藏人頭據藏人補任送于鎌倉。先是。帝常有討北條氏之意。與資朝俊基謀。陰援賴兼國長等。

無禮講

每會議脫衣冠縱酒結其歡心稱曰無禮講又憚外
 議令玄慧講韓文事覺訊俊基無禮講俊基曰吾文
 臣不知佗唯知玄慧講文是文禮講謬傳為無禮耳
 高時怒謀廢立帝遣中納言藤原宣房諭解高時賜
 誓書而事得釋增鏡太平記 ○冬十二月關白房實罷以
 太政大臣冬平為關白歷代皇記 ○二年丑冬十二月參
 議藤原為定上續後拾遺和歌集拾芥 ○是歲北條
 高時放藤原資朝於佐渡釋藤原俊基還京師增鏡太平記
 ○嘉曆元年丙寅春三月皇太子邦良薨常樂 ○北
 條高時疾高時性好鬪狗令吏民貢獒獒數千分附
 皇太子邦良薨

續後拾遺和歌集成

嘉曆元年

正三年四月廿六日改元

皇太子邦良薨

諸將養視輿載往來遇葵不下者有誅葵群鬪嗥
 如爭尸者狀又喜田樂纏頭費每以萬數一夕高時
 獨醉舞有十餘倡來歌以助之姬人闕之倡皆異類
 歌曰不見天王寺妖靈星乎歌終而去獸跡滿座高
 時醒無所見已而有疾長崎高資勸其削髮讓職於
 金澤貞顯從之高時弟泰家愠其不讓已亦削髮高
 時病起欲誅貞顯貞顯自髡謝之諸將爭倣之圓顯
 滿朝高時頗不平高資密令長崎高賴誅之高資覺
 捕高賴流之內外憤怒攝津渡部氏大和越智氏皆
 起兵高時命吏擊之不克太平記 ○秋七月立後伏見

修理大夫

貞顯

左近大夫

泰家

渡部氏越智氏

起兵

渡部右衛門尉

越智四郎

量仁親王為皇太子

皇子量仁親王為皇太子。歷代先是天皇欲選諸皇子立之。北條高時執兩宗迭立之議。天皇遣使依後嵯峨帝遺詔責讓高時。高時遂不奉詔。天皇益憤恚。

梅松論 ○二年。卯春正月。關白太政大臣冬平薨。○二月。以前關白道平復任。公卿補任 ○召僧圓觀文觀等于

內。祈中宮產安實。呪咀北條高時。鏡增 ○三年。戊冬十

二月。以尊雲法親王為延曆寺座主。天台座主記 親王帝

第三子也。天資穎敏。帝鍾愛之。初欲為太子。高時拒

之。因使親王削髮補座主。以收結僧徒。居大塔。世稱

大塔宮。太平記 ○元德二年。庚春正月。關白道平罷。以

元德二年 嘉曆四年

呪咀北條高時 尊雲法親王為延曆寺座主

八月廿八日 改元

右大臣藤原經忠為關白。公卿補任 ○夏四月。盜殺大判事中原章房。時帝謀滅北條氏。章房諫。帝恐語泄。使人陰殺之。○五月。北條高時捕僧圓觀文觀等。處流

以其誼。密詔呪咀北條氏也。太平記 ○秋八月。關白經

忠罷。以左大臣藤原冬教為關白。公卿補任 ○元弘元年。

辛未 秋七月。地大震。富士山崩數百丈。太平記 ○六波羅

兵就禁內。執右中辨藤原俊基。送于鎌倉。毛利家本

後伏見法皇亦密遣使於鎌倉。告變。高時大聚諸將

吏問計。衆莫敢言。高資曰。主上親王流之。公卿黨者

斬之。如此而已。勿再貽悔也。二階堂貞藤諫曰。北條

元弘元年

元德三年

八月十日

改元 地大震

六波羅兵執藤原俊基送鎌倉

二階堂出 羽入道道 繼

氏世尊王室。惠下民。所以執國命。幾乎百六十年也。今已執公卿。又欲遷帝王。如天道何。苟使我而無繫。朝廷何能為。高資作色曰。迂腐之論。何陳於今日。公獨不知承久之事乎。高時從之。○八月。北條高時遣二階堂貞藤等。率兵二千。至京師。尊雲法親王。謀知高時將行廢立。遽奏之。其夜。帝奉神器逃幸笠置寺。使大納言藤原師賢服御衣。詐稱帝。赴叡山。僧徒大喜來集。六波羅鎮將北條仲時。北條時益。謂帝猶在宮中也。遣兵索之。不獲。則收大納言藤原宣房等四人而去。聞車駕在延曆寺。遣兵攻之。尊雲法親王督

幸笠置寺

越後守仲

時

左近將監

時益

夢南木

僧徒破之。辛碯。其夜僧徒知非真天子。悉散去。法親王奔奈良。師賢歸行在。時帝在笠置。四方勤王之師未至。帝憂迫。適夢紫宸殿南有大樹。樹下設虛位。一童子來迎。帝座之。既覺。自念。木從南楠也。當有稱楠者出扶朕。即召僧問之。對曰。金剛山之西有楠正成者。正成之父嘗憂無子。禱志貴山而生焉。少字多聞。長以材武名。嘗平土寇。以功為兵衛尉。帝曰。是也。使中納言藤原藤房往召正成。正成從藤房詣行在。帝使藤房言曰。討賊之事。朕一以託汝。因命座問計。正成感激對曰。天誅乘時。何賊不斃。東夷有勇無智。如

兵衛尉楠正成
詣行在畫策

高時以皇太子稱帝于京師

九月廿日

光嚴院踐

祚明年三

月廿二日

即位

陸奥守貞

直治部大輔

高氏

笠置陷

入道

櫻山四郎

較於勇舉六十州兵不足以當武藏相模較於智乎則臣有策焉雖然勝敗常也不可以少挫折變其志陛下苟聞正成未死也則毋復勞宸慮乃拜辭還城赤阪將以奉乘輿焉而時益仲時已犯行在太平○九月北條高時以皇太子量仁稱帝于京師是為光嚴院毘沙門堂○賊將大佛貞直足利高氏等率大軍逼行在未至而笠置陷判官代錦織俊政飛彈守石川義純等死之天皇徒步突圍而出師賢藤房等扶行三日夜欲幸赤阪為追兵所執元弘日記裏書○備後人櫻山茲俊築一宮城起義兵太平○冬十月六波

幸宇治

授新器

圍赤阪城

七郎正季
五郎正遠

羅兵奉天皇幸宇治御平等院大佛貞直等請傳神器于新主天皇使藤原藤房宣敕曰神器歷朝相承親所受授雖時或有亂臣未聞恣相與奪且璽鏡遺之笠置獨有寶劍自隨若欲強得之朕將親用之貞直無復所奏又請幸六波羅敕備鹵簿儀仗而後幸光明寺藏復請傳神器乃授以新器以新器授新主書殘編○大佛貞直等以兵增鏡云帝親奉神器如隱岐則所授是新器而非真神器明矣三十萬圍赤阪城城纔成取農粟充糧焉兵僅五百人正成分其二百以弟正季俟和田正遠將之出城募山而俟東軍東軍肉薄攻之正成令士卒齊射立

正成以奇計走賊兵

整千餘人。東兵沮卻卸甲且息。伏兵自左右起。正成以二百騎關門突出。三面合擊。東軍大敗走。旦日東軍復圍城。正成投大石巨材。殺七百人。東軍修攻具。蒙楯而進。鐵鉤鉤垣。垣殆崩。正成令城兵人執長柄杓。沃沸湯。敵焦爛而退。東兵於是築營環城為持久計。而城內餘五日食。正成謂眾曰。吾先天下舉大事。固不圖生。雖然。天子在焉。吾未可以死也。吾今佯死。敵則去。去則復起。使彼疲奔命。是全軀以亡敵之術也。眾曰。善。乃鑿坑填尸。以薪蔽之。乘風雨夜稍稍逃。出入金剛山。留一人。誡曰。度我遠而舉火。火起賊爭。

遷天皇於隱岐

備後三郎高德題詩

佐佐木隱岐判官北朝改元號正慶

四月廿八日建元復赤阪城

上城見坑中積尸。謂正成既死也。引兵東去。櫻山茲俊聞行在陷自殺。○二年_{壬申}春正月。高時欲諷天皇令雜髮獻僧衣。天皇卻之。○三月。高時遷天皇於隱岐。備前人兒嶋高德候車駕于塗。將奉天皇討賊不成。夜入御館。白櫻樹書之曰。天莫空勾踐。時非無范蠡。天皇視之欣然。心知有勤王者也。○四月。車駕至隱岐。御國分寺。高時令佐佐木清高監護。○京師改元正慶。○楠正成復赤阪城。率兵徇和泉河內。○五月。正成與六波羅兵戰。四天王寺大敗之。○高時殺參議平成輔。中納言藤原資朝。右中辨

正成築千劔破城

赤松次郎則村

彈正少弼時治

赤阪城陷吉野城陷左馬權頭義光

藤原俊基等貶遷大納言藤原師賢權大納言藤原公敏參議藤原季房中納言藤原藤房僧聖尋俊雅等公卿補任常樂記○是冬楠正成築千劔破城增鏡○尊雲法親王避難匿般若寺潛經函中而免遂匿十津川半歲蓄髮更名護良梅松論築吉野城赤松則村奉護良親王令起兵播磨築苔繩以絕山陽山陰援道太平記○三年癸酉北朝正慶二年春二月高時遣阿曾時治圍赤阪大佛高直圍千劔破二階堂貞藤圍吉野赤阪城兵力拒殺傷過當賊絕其水道城遂陷○閏月吉野城陷村上義光死之護良親王走高野山時治貞

賊兵八十萬圍千劔破城

名越越前守

藤併兵圍千劔破而西南諸道兵應高時徵者亦會焉稱八十萬正成以千餘人拒之賊兵四面仰攻呼聲動天地正成令士卒投大石隨亂射之無復虛箭賊軍監高資令十二史記死傷三晝夜不閣筆乃令諸軍勿復薄城時大旱賊將高直議曰叢爾山巔不容有水得非乘夜出汲乎前攻赤阪絕水而克此計可襲也遣名越高家守東溪久之毋出汲者正成瞰其倦怠夜出兵擊走之奪其幟而還且日樹之壁上呼曰此名越公所贈有公徽號焉我無所用願奉還之高家慙恚舉族薄城城兵投巨木仍射殺四千人

正成作藁人誘賊

又燒雲梯殺數千人

土居通治等起攻陷長門探題北條時直

次郎通治彌三郎通言遠江守時直

賊畏憚休戰築長圍環守正成乃作藁人數十被以甲冑羅之城外昧爽鼓譟誘賊賊競集於藁人城兵投巨石立死八百餘人賊又造雲梯跨壑架壁正成令投大炬注油以燒梯梯遂中斷陷壑焚死者數千人會土兵奉護良親王令絕賊糧道賊兵大困赤松則村出自苔繩徇山陽道進屯攝津摩邪山與賊兵戰敗之先是伊豫人土居通治得能通言起義兵與長門探題北條時直戰大破之至是所在義軍並起兵勢大張太平記○高時懼有奪駕者益嚴防備而衛士稍歸心於天皇天皇夜使侍姬賜酒中門番直衛

富士名判官

鹽冶判官高貞

天皇發隱岐

左近衛中將千種忠顯

千波港

左衛門尉長年

舟上山

詔討北條高時

士富士名義綱義綱密致誠款勸天皇潛幸出雲伯耆之間天皇乃遣義綱往諭其族出雲守護鹽冶高貞曉天皇潛出宮源忠顯從之途聞不知所嚮有一人負天皇至千波港適得商舟御之佐佐木清高迅檝追之天皇與忠顯俱隱船底至伯耆名和長年奉迎造行宮於舟上山聚兵衛護元弘日清高率兵三千來犯長年擊卻之義綱與鹽冶高貞等率兵來歸乃下詔諸國討北條高時太平記於是山陽山陰南海西海兵士並起勤王梅松論○三月天皇遣源忠顯率兵東上兒嶋高德等從之與赤松則村會攻六波羅

菊池武時起義伯耆 ○菊池武時起義兵討鎮西探題北條英時不

克死之太平 ○夏四月北條高時遣名越高家足利

高氏率兵援六波羅赤松則村擊高家斬之先是高

氏竊納款至是遂歸順太平 高氏源義家之裔讚岐

守貞氏子也源氏 ○五月源忠顯足利高氏赤松則

村併兵攻六波羅北條仲時時益奉新主及後伏見

花園二上皇東奔時益伏誅官軍收復京師梅松 ○

忠顯得神鏡於權大納言藤原公宗北山第安之禁

中皇年代畧記 ○按當時天皇親奉神器此所得神鏡疑所授新主物也 ○守良親王

起兵要擊北條仲時于近江仲時敗死獲新主二上

菊池武時起義
兵
菊池入道
寂阿
修理亮英
時
足利高氏歸順

收復京師

新田義貞舉義
兵攻鎌倉
貞
小太郎義

皇○大佛高直等解千劔破圍走奈良○上野人新

田義貞奉護良親王令舉義兵關東豪傑爭先響應

兵凡十二萬分為三軍二道攻鎌倉義貞以精兵二

萬自稻村崎入賊大兵據海岸樹柵兵艦列其南以

備傍射義貞乃下馬免胄向海拜曰天子為逆臣所

遷越在西海臣義貞不忍坐視提兵討賊伏願海神

眷臣忠義退潮以開道因釋所佩金裝刀投之海中

比曉潮大退船艦皆漂去義貞大喜麾眾進直入府

中乘風縱火烟焰漲天義貞縱兵鏖戰高時舉族皆

伏誅太平 征夷大將軍守邦親王薙髮皇胤 紹運錄 義貞

北條高時伏誅

車駕發舟上山

乃馳使奏捷行在。自源賴朝開府。至是百七十餘年。而鎌倉亡矣。神皇正統記 義貞源義家十世之孫也。源氏系圖

○二十三日。車駕發船上山。大和守金持景藤。執旗為左。伯耆守名和長年帶劍。為右。鹽冶高貞前驅。朝山義連後拒。左近衛中將藤原行房。勘解由次官藤原光守。文服其餘文武百官戎衣扈從。太平記 ○六月。楠正成將兵七千。至兵庫謁見。天皇勞慰之。以其衆前導還京師。廷臣百官奉迎還宮。神皇正統記 時議者或疑當用重祚之禮。左大臣藤原道平奏言。陛下雖在外久躬奉神璽。臣以為宜用巡狩還宮之儀。制

楠正成至兵庫謁見

車駕還京師。新主所署官爵

可去正慶號。悉削新主所署官爵。廢關白。特詔左大臣藤原道平。右大臣藤原經忠。參輔庶政。增鏡神皇正統記

拜護良親王為征夷大將軍。公卿補任 親王知足利高氏有異志。請誅之。不許。太平記 ○詔召還尊良親王。尊澄法親王及僧圓觀。文觀等。保曆間記 ○七月。斬阿曾。時治大佛高直等十五人。太平記 ○詔諸國休士卒。勸課農桑。野上文書 八月。足利高氏賜名尊氏為武藏常陸下總守護。弟直義遠江守護。新田義貞上野播磨守護。子義顯越後守護。脇屋義助駿河守護。楠正成攝津河內守護。名和長年因幡伯耆守護。赤松則村播磨守。

賜足利高氏偏諱

置決斷所議諸將功勞

護尋奪則村職授以佐用莊公卿補任置決斷所議賞軍功時將士聚闕下者數萬爭功紛拏不決使權中納言藤原實世司之旬月僅定二十餘人以多失當罷以中納言藤原藤房代之覆審而內降得賞者已多藤房知不可諫乃稱病不朝代以民部卿藤原光經上自以北條高時邑為供御以泰家邑賜護良親王大佛貞直邑給內侍三位局其餘官闈倡妓以內降多受地雖軍功論定無地可頒內救與外議抵牾往往數人爭一邑所在武人頓失勢被奴虜使天下聳然復思武門之治○九月二階堂貞藤圖不軌伏誅

內救與外議抵牾

源顯家奉皇子出鎮東奧

十二月七日廢新主位

建武元年元弘四年正月三十日改元始用楮幣

恆良親王為皇太子

太平保曆○是秋護良親王罷征夷大將軍為兵部卿

問記○冬十月遣皇子義良出鎮東邊准大臣源親房

輔之以參議源顯家為陸奧守詔曰古者皇子皇孫

及大臣皆親臨戎方今王政維新不宜分文武為二

途過往守爾藩屏神皇正統記○十二月詔號新主為太

上天皇皇年代畧記○以成良親王為上野大守出鎮鎌

倉以左馬頭足利直義為相模守輔之神皇正統記○建

武元年甲戌春正月營大內以安藝周防租賦充費徵

諸國地頭歲入二十分一用度不足始用楮幣太平記

○立恆良親王為皇太子元弘日記裏書○二月詔鑄新錢

鹽冶高貞獻千里馬

藤原藤房棄官去

幽護良親王親王上書訴寃

文曰：乾坤通寶。建武二年記 ○五月，出雲守鹽冶高貞獻千里馬，帝大悅，呼為天馬。群臣皆賀，中納言藤原藤房曰：由時多秕政，天或將生尤物，蕩君心也。伏願陛下裁玩物志，而留心仁政。帝不懌。太平記 ○十月，藤原藤房棄官而去。時帝方事興作，耽於宴遊，藤房屢諫之，不聽。藤房謂為臣之道於我盡矣，徑入北山巖藏，為僧。公卿補任 帝大驚，命父宣房索之，將再任用。宣房至巖藏，則藤房既去。太平記 ○禁兵部卿護良親王於馬場殿，初足利尊氏惡親王威名，密結帝寵姬藤原氏，謀排陷焉。而親王不察，輒欲除尊氏，密徵兵。尊氏得

內侍三位局藤原氏

其檄，上變誣以謀反。藤原氏自傍贊之，帝怒，伏甲召親王執之，誅其親臣二十餘人。親王憂憤，上書曰：臣夙憤武臣專恣，釋法服，被戎衣，寧受世譏，而為君父忘軀。在廷臣子莫敢効力，而臣獨張空拳以抗強敵。賊之耳目集於臣身，購臣以萬戶。臣晝伏夜行，匿山谷，踐霜雪，殆死而復生者數。焦思運籌，遂得底誅夷之績，而不圖獲罪於此。仰將訴天，日月弗照，不孝之子。俯將哭地，山川弗載，無禮之臣。父子義絕，乾坤共弃。臣不敢復有望於世也。儻宥死刑，削籍歸佛，臣終身毋悔。抑申生死，而晉國亂，扶蘓刑，而秦世傾。聖明

流護良親王鎌倉幽于地窖

成長親王為征夷大將軍

西園寺公宗

北條時行攻鎌倉

相模次郎時行

淵邊伊賀守

淵邊義博弑護良親王

蓋延古以鑿今焉涕隕心愴不終所欲言書入莫敢
 奏達者。○十一月流護良親王於鎌倉使足利直義
 監之直義幽之地窖太平記 ○是歲以上野大守成長
 親王為征夷大將軍神皇正統記 置關東廂番奧州評定
 衆掌治其方事建武二年 夏六月權大納言
 藤原公宗謀反事發伏誅尊卑分脈 ○秋七月北條時行
 招聚餘黨攻鎌倉足利直義拒戰大敗時行乘勝進
 直義召淵邊義博曰時行不足患可患者護良親王
 宜乘此時除之義博往窺窖中護良方焚燭誦經顧
 而蹶起曰女欲殺我邪前奪其刀義博斫其膝踏之

足利尊氏反據鎌倉自署征夷大將軍關東管領

跨胸刺吭護良縮首齧其鋒鋒折拔貳刀刺心二乃
 絕年二十八義博欲以首示直義見其不瞑而含鋒
 弃去直義奉大將軍成長親王西走 ○時行入鎌倉
 兵勢日熾太平記 ○八月足利尊氏請自將討時行許
 之又請任征夷大將軍管領關東不許更為征東將
 軍神皇正統記 尊氏不辭而發至駿河與直義合擊時行
 走之進入鎌倉詔遣藏人頭源具光召還之不奉詔
保曆間記 ○冬十月尊氏自署征夷大將軍關東管
 領據鎌倉反賞有功納降附收新田氏邑在關東者
 割予將士將士爭附之誣奏新田義貞移書西道諸

新田義貞上書陳尊氏八罪

詔奪尊氏官爵討之

兵部少輔

義助

治部大輔

公綱

肥後守武

重

左近將監

貞載

鹽治高貞大友貞載叛

國發兵以擊義貞為名義貞乃上書自辨陳尊氏八

大罪太平記○十一月詔奪足利尊氏等官爵公卿以補仕

中務卿尊良親王管領東國賜節刀于左兵衛督新

田義貞率脇屋義助宇都宮公綱菊池武重大友貞

載鹽治高貞等從之由東海道彈正尹忠房親王權

中納言藤原實世等由東山道鎮守府將軍源顯家

奉義良親王發陸奥出羽兵會于鎌倉同討尊氏尊

氏遣兵逆擊矢矧義貞連戰破之太平記○十二月義

貞進至箱根脇屋義助奉尊良親王與賊戰于竹下

不利左近衛中將藤原為冬死之鹽治高貞大友貞

赤松則村等應賊

彌三郎時重

延元元年

建武三年

二月廿九

日改元

權大納言

師基

兵部大輔

行義

細川卿律

尊氏入京師

結城判官
親光

載叛降賊官軍敗績退屯尾張赤松則村久下時重

等爭起應賊天皇賜天馬於使者召還義貞天馬途

斃尊氏躡官軍後西上梅松論太平記○延元元年丙春正

月救義貞守大渡諸將分拒山崎宇治勢多藤原師

基守峯堂久下時重等攻峯堂師基敗走時重進據

老坂江口行義擊走之尊氏攻大渡細川定禪赤松

範資攻山崎官軍敗走宇都宮公綱大友氏泰降賊

義貞還京師天皇奉神器及法皇幸叡山諸將從之

細川定禪陷京師放火燒官闕尊氏入京師結城親

光降賊刺尊氏不克死之細川定禪據園城寺以

舟田長門守

逼行在元弘日記裏書○源顯家奉義良親王率兵入援與義貞攻園城寺拔之欲收兵舟田經政曰兵利在乘勢賊兵一敗魄褫氣沮我因躡之乘勝連進可以獲其渠魁也義貞曰然即以三萬騎追擊大破之尊氏迫蹙欲自刃者三義貞還屯京中其夜賊反襲義貞敗退阪本東山道官軍還至諸將議戰夜下山陣旦日楠正成源顯家分路進戰又大破之義貞獨變服入賊中索尊氏不獲分兵追之賊西走收復京師平太松論記梅○二月顯家義貞正成等追擊至兵庫尊氏等狼狽走筑紫諸將振旅還京師○車駕還官進義貞

收復京師

尊氏航海西走

陸奧太守始此

掃部助武敏

義貞遣兵圍白旗城
兵部大輔行義

則村媮言指斥朝廷

左近衛中將賜勾當內侍嘗義貞入直見其彈箏心慕焉贈歌不報至是帝賜之義貞繾綣溺愛不復窮追尊氏太平記○以義良親王為陸奧太守源顯家為鎮守府大將軍建武二年記親王任陸奧太守始于此元弘日記裏書○三月足利尊氏等至筑紫菊池武敏攻尊氏于鞆濱不克○詔義貞管領山陽山陰十六國討尊氏義貞會疾遣江田行義等擊赤松則村於室山敗之義貞尋發圍則村於白旗城城壁未成則村詐遣之書願州守護以圖報効義貞喜為請詔旨往反旬餘詔至而壁成則村還詔書不受曰守護已獲之於

將軍矣。何以此翻覆。綸旨為義貞大恚。圍之。太平記○

夏四月。脇屋義助與兒嶋高德夾攻舟阪。拔之。進圍

圍三石城
彈正少弼
氏經

三石城。遣大江田氏經據福山城。徇下美作諸城。○

五月。尊氏大舉東上。至嚴嶋。會僧賢俊奉廢主書至。

尊氏大喜。令諸將立錦旗。遠近競附。自率舟師七千

餘艘。直義將陸軍二十萬。陷福山城。大江田氏經敗

走。義貞助解圍。退軍兵庫。備後守兒嶋範長與赤

松則村兵戰死之。範長高德父也。賊軍乘勝而進。義

貞飛書告急。朝廷震動。乃詔楠正成往援義貞。正成

楠正成奏竟見

奏曰。賊鋒甚銳。不易禦。陛下復幸叡山。召還義貞。縱

坊門清忠

賊入京師。而臣歸河內。絕其糧道。夾而攻之。可一戰而破也。願朝廷再計之。獨參議藤原清忠固執不可。

正成誠正行歸河內
帶刀正季

正成與弟正季子正行辭闕而西。至櫻井驛。使正行歸河內。正行時年十一。正成誠之以討賊。因授以帝

所嘗賜寶刀。正行揮淚而去。正成至湊川。義貞迎問。

曰。朝議如何。曰。吾欲召還卿。奉駕叡山。不聽也。義貞

曰。驅敗卒當銳師。吾知其必敗耳。願去歲敗於關東。

今復未拔一城。何以復命。吾故欲決死一戰。正成曰。

進退從宜。是謂良將。公且徐計之。且前殪高時。後攘

尊氏。公功多矣。衆言何足恤哉。義貞色釋。旦日尊氏

賊軍艦蔽海而至

一敵將藥師寺十郎次郎也

楠正成兄弟戰死

義貞敗走

小山田太郎車駕幸叡山

尊氏入京師

兵艦蔽海而至。而直義來自須磨。旌旗彌天。正成與弟正季。突入直義軍。七離七合。欲獲直義。直義馬傷而墮。我兵垂及。有一賊將遮鬪而逸之。尊氏亦分兵來援。包官軍後。正成兄弟回馬當之。血戰十六合。盡亡其騎。正成入路傍民舍。與弟正季偶刺而死。賊海軍既悉上陸。義貞迎戰不利。走馬殪而徒。賊環射之。義貞揮一刀截十六箭。小山田高家望見。還救授其馬。留死。義貞因得脫。歸京師。帝又奉神器幸叡山。法皇廢主稱疾留京師。尊氏進入京師。元弘日記裏書○六月。尊氏遣兵犯行在。參議源忠顯少將藤原雅忠戰沒。

名和長年戰死

剪御裳為笠識

義貞等進攻京師不克。伯耆守名和長年死。梅松論常

樂○尊氏奉法皇廢主豐仁親王於東寺。皇年代畧記○

秋七月。權大納言藤原師基率北國兵入援。官軍又振分遣諸將發畿內兵。斷賊糧道。賊窮困。義貞乃出戰。帝親臨勞軍。剪所御紅裳。分賜之。以為笠識。義貞臨發。白曰。勝敗天也。雖不可逆睹。今日之戰。所不送箭。尊氏營者。毋復生還矣。以一萬騎行破賊軍。終抵東寺。執弓注箭。呼尊氏曰。天下擾亂。雖曰皇統之爭。抑由公與義貞而已。與其為一身苦萬民。寧各以單騎相鬪。決雌雄。即發箭。箭入尊氏帳中。尊氏不出。時

尊氏立豐仁親王稱帝

八月十五日踐祚明年十二月廿八日即位

尾張守高經

佐渡判官高氏

尊氏佯降車駕歸京師

皇太子入金崎城

諸軍皆敗。賊兵悉萃。義貞奮戰破之。賊又四合。流矢中其額。流血被面。乃返馬首。欲決死。紅笠識者。八百騎來救之。擁義貞而歸。太平記 ○八月。尊氏立豐仁親王。稱帝于京師。是為光明院。號用建武。歷代皇記 ○九月。尊氏令足利高經扼北陸道。佐佐木高氏絕近江糧道。脇屋義助數攻近江。不克。官軍大困。○冬十月。尊氏佯請降。邀車駕于京師。天皇許之。救新田義貞。奉皇太子恆良及尊良親王。經路北陸道。車駕還京師。御華山院。尊氏置兵監衛。悉奪從駕朝臣官爵。拘諸將士。皇太子至越前。入金崎城。皇年代畧記 ○十

天皇幸吉野

次郎正朝

瓜生判官保

賊圍金崎城

越後守師

泰伊賀守時

金崎城陷

一月。尊氏迫請傳神器于新主。以新造器授之。毘沙門堂

所藏記歷代皇記

○十一月。天皇潛幸吉野。楠正行和。田正朝等率兵迎衛。太平記 ○造行宮于吉野。神皇正統記 ○詔

新田義貞以北國兵。經略京師。越前人瓜生保起兵。

杣山推式部大輔脇屋義治為將。足利高經分兵攻

之。保擊走之。○二年。丁丑 ○北朝。春正月。皇太子在

越前金崎城。足利高經高師泰等以大兵圍之。伊賀

守里見時成及瓜生保僧義鑑率兵救金崎。不克死

之。○三月。金崎城中日望杣山。援不至。已而糧竭。食

馬。馬盡。無可食者。賊候知之。四面齊登。城兵力竭。不

尊良親王自殺
武藏守義顯

宗良親王起兵
井伊城

北條時行攻鎌倉
義興初名德壽

能戰。城遂陷。由良具滋。長濱顯寬。說義顯使人奉皇太子。逃。杣山。尊良親王自殺。義顯以下殉之。皇太子為賊所獲。護送京師。義顯義貞長子。太平記 ○是夏。宗良親王起兵。遠江。井伊城。新葉集 ○秋八月。鎮守府將軍源顯家奉義良親王入援。與足利義詮戰。利根川破之。神皇正統記 先是北條時行奏請討足利尊氏。自贖詔許之。○冬十二月。宇津宮公綱。新田義興。北條時行等率兵會顯家。進攻鎌倉。足利義詮出走。義興。義顯弟。義詮尊氏子。○是冬。新田義貞保杣山。與足利高經相持。○三年。戊寅 ○北朝曆應元年。春正月。顯家與諸將

土岐輝正
少弼
桃井播磨守

男山之役
少將顯信
武藏守師直

尊氏弒皇太子

西上。與賊將土岐賴遠。桃井直常。戰于青野原。敗之。太平記 ○二月。顯家與高師泰戰。敗之。進屯奈良。三刀屋文 又與桃井直常戰于四天王寺。敗績。走河內。書難太平記 李花集元弘 ○義貞拔越前城。高經走足羽城。○三月。顯家軍和泉。其弟顯信軍男山。高師直圍之。○夏四月。尊氏弒皇太子及成良親王。初賊執太子也。問義貞兄弟所在。太子給曰。昨自殺矣。其兵火之賊。乃押送太子於尊氏。傳義顯首而不問。義貞。義貞及拔諸城。尊氏大怒曰。太子給我至此。遂鳩殺之。○五月。顯家與師直戰于界浦。死之。○六月。詔新田義貞。援

新田義貞攻藤嶋戰死

中野藤内左衛門

男山義貞遣脇屋義助赴援。太平記 ○七月師直放火燒石清水宮。石清水回祿記 顯信棄男山走河内。元弘日記裏書 屋義助至敦賀聞男山陷班師。○閏月左近衛中將新田義貞攻藤嶋戰死。初義貞圖取黑丸城足利高經恟懼築七寨以備之。會平泉寺僧叛以藤嶋應高經。義貞欲攻之率兵渡足羽河旗仆中流衆以為不祥。義貞分兵為七議以當七寨。藤嶋兵擾動官兵因疾攻不能拔。義貞望見遽以五十餘騎赴之遇賊兵三百矢下如雨官兵無楯以身蔽義貞。中野宗昌勸義貞獨身遁逃。義貞曰失士而獨免非吾志也。鞭馬

左兵衛佐義興左馬權頭時行上野介宗廣

且進馬被箭殪。義貞欲起有白羽箭中其額乃拔刀自刎而死。年二十八。賊未知其何人也。見宗昌等環尸自殺。又檢尸得錦囊書書辭曰討賊之役朕一煩卿。蓋帝手書。乃知其義貞也。太平記 ○令新田義興北條時行奉宗良親王經略東國。結城宗廣奏請曰陸奧地可敵海内之半。是以三年間兩次入援皆資其力。宜及其民心未變撫為朝廷用。朝議然之。以源顯信為鎮守府將軍。奉義良親王往鎮焉。源親房結城宗廣從之。並由海路。神皇正統記太平記 ○九月遇颶風船四散。親王與顯信至篠嶋。親房至常陸。宗廣至安濃津。

黑丸城戰

八月十五日讓位
同日十六日崩

宗廣以不得夷賊憤懣成疾卒元弘日○四年己卯

朝曆應二年春三月義良親王還吉野神皇正統記○秋七月

脇屋義助攻足利高經于黑丸城破之高經奔加賀

太平記○八月帝不豫立義良親王為皇太子禪位而

崩于吉野行在壽五十二吉野拾遺帝天姿英毅博通書

史篤信佛教即位之初留心政事置記錄所躬攬庶

務及元弘兵興蒙塵數年遂復太位後狩吉野神皇正統

記臨終以元兇未殄為恨遺命薄葬務圖恢復朕身

雖瘞南山而神常望北闕若有墜命者子匪繼體臣

乖蓋忠言訖左把法華經右按劍以崩群臣亦奉其

言不改服御北面葬于大和藏王堂之塔尾太平記

後村上天皇諱義良初名憲良後醍醐帝第九子也母

新待賢門院藤原氏右中將公廉之女夢抱日有身

遂生帝神皇正統記延元四年八月受禪於左大臣藤原

經忠策吉野拾遺○九月北國諸城皆陷○十月即位於

吉野行宮時年十二關城書中納言藤原隆資權大

納言藤原實世對掌機務○畑時能與足利高經戰

伊地山死之時能武藏人材武絕人每戰未嘗敗屢

立戰功從脇屋義助唱義北國累破高經兵至是中

流矢而死○興國元年庚辰○北朝春三月以脇屋

紀元一千九百九十九年
己卯歲八月十五日踐祚
十月五日即位

六郎左衛門時能

興國元年
延元五年

改元四月二十八日

脇屋義助卒

井伊城陷

准大臣源親房

上職原鈔

播磨守師冬

義助為刑部卿赴伊豫總督南海西海諸軍先是義助與土岐賴遠等戰根尾城敗績詣吉野詔勞獎之進官爵會伊豫官軍請將帥乃敕遣之官軍大振○五月脇屋義助病卒諸城皆復為賊有太平記○是歲高師泰陷井伊城宗良親王奔越後祇園修行日記裏書○三年辛巳北朝春二月准大臣源親房上職原鈔關城書裏○夏六月高師冬攻源親房源顯時於小田城親房擊卻之結城文書○冬十一月小田治久降高師冬源親房走關城源顯時走大寶城請援於結城親朝親朝通款賊不肯出兵親房貽書讓以大義不聽別府

關大寶二城陷

伊豆守時氏

正平二年

興國七年改元開月日

陸奥守顯氏

高師直以兵八萬入寇

文書結城文書○四年癸未北朝秋七月旱○關大寶皆陷源親房等走至吉野別府文書結城親朝降足利尊氏結城文書○六年乙酉北朝兒嶋高德秋野朝忠迎式部大輔脇屋義治于上野起兵朝忠與山名時氏戰敗績遂出降義治高德入京師謀襲尊氏事敗走信濃太平記○正平二年丁亥北朝秋九月河內守楠正行在金剛山漸保聚義故欲收復京師與細川顯氏戰于譽田林破之○冬十一月又邀擊顯氏及山名時氏於瓜生野大破之園大曆太平記○三年戊子北朝春正月高師直師泰將兵八萬入寇正行與弟正

次郎正時

時率諸宗族詣行宮。因中納言藤原隆資上奏請得一拜天顏而行。帝揭簾臨視將士。前正行勞之曰：曩日兩捷，大殺賊勢，甚慰朕心。朕以女為股肱，女其自愛。正行俯伏垂泣而出，辭訣後醍醐帝廟，題族黨百四十三人姓名及歌於廟壁。然後上途。帝使隆資援之。賊軍至四條畷，分為五隊，四隊在前，左右相向而師。直中軍遙居其後。正行使隆資綴賊前軍，而自將三千騎直指其中軍。賊前隊馳而遮之。正行以先鋒擊破而過。賊隊又至，與後軍戰。後軍終敗走。正行不顧，以三百騎直前。賊將遮鬪，正行盡破之，乃聚其騎。

楠正行題和歌於廟壁

四條畷戰

偽稱者上山六郎左衛門

楠正行北向而斃

左衛門尉正儀

崇光院立十月廿七

馬皆重傷，乃舍馬踞隴而餉。賊兵環視不敢迫。正行餉畢起，謂眾曰：必與師直決死。進衝其中堅。賊軍披靡。正行進逼師直。師直臣偽稱師直死。正行大喜，拋首于空。而手承者三。既而有告其實者。正行投頭于地，蹴且罵曰：汝亦無雙國賊也。復進逼師直，相去數步。正行注目於師直，勉眾前進。賊連射之。正行身被箭如蝟，乃呼曰：已矣，勿為賊所獲。與正時相刺。北向而斃。年二十二。餘兵皆死。師直遂犯行宮。帝幸穴生避之。楠正儀與師泰相持石川。正儀，正行之弟也。

記國大曆 ○冬十月，光明院讓位於太子興仁，是為崇光。

日踐祚

伊豆守重

能

大藏少輔

直宗

尊氏兄弟之亂

院皇胤紹○四年己丑○北朝貞和五年秋八月足利尊氏令

弟直義雉髮放上杉重能畠山直宗於越前先是北

朝拜尊氏為征夷大將軍直義為副將軍稱曰兩御

所初尊氏擁立光明帝陽尊之每事奏聞及官軍諸

將相尋戰沒大得其志不復稟敬肆割膏腴賞功臣

或奪公卿食邑雖供御闕之不顧至朝貴務學東人

語以計免侮謗土岐賴遠嘗途遇光嚴上皇不下馬

前驅叱曰院也賴遠曰院耶犬耶犬則應射之令環

射乘輿折輓截輻去直義論罪賴遠伏誅武人相謂

曰院且下之即遇將軍將手行耶高師直以尤多軍

賴遠環射乘輿

高師直圍幕府
強訴

民部大輔
憲顯

足利直義歸順

功為尊氏信任為幕府執事與直義相軋重能直宗

亦疾之乃附直義直義欲除師直伏兵召之兵有為

師直耳目者因知其謀脫歸召師泰於石川直義使

人要說援已師泰不肯與師直合兵數萬入京師圍

幕府請斥直義等尊氏慰諭聽其請師直使人潛殺

重能直宗尊氏召義詮於鎌倉代執政以其弟基氏

代鎮鎌倉高師冬上杉憲顯為執事○五年庚寅○

應元北朝觀夏六月足利直冬叛其父尊氏起兵鎮西○冬

十二月足利直義上書行在請歸順許之命討尊氏

時師直欲擊直冬慮直義圖後欲殺之而行直義奔

阿波將監
國清

直義攻尊氏

憲顯義子
左衛門藏
人能憲
右馬助賴
房

大和請歸順。大納言藤原實世曰：致先帝播越，王室艱難者，皆由此兇豎。今窮迫來降，非其本心，宜斬之。左大臣藤原師基准大臣源親房議，謂直義降則尊氏自平，乃納其降詔討尊氏。畠山國清棄石川之圍，應之。桃井直常亦歸順。○六年辛卯○北朝觀應二年正月，足利直義進據男山。桃井直常據叡山，夾攻京師。時尊氏與師直討直常，在備前合兵而還，與義詮俱攻直常。直常敗走，而將士多叛。尊氏與師直奔播磨，義詮奔丹波。太平記○上杉能憲起兵上野，應官軍攻高師冬於甲斐，殺之。常樂記○二月，石堂賴房攻尊氏於書

尊氏與直義和

二高伏誅

次郎左衛
門公義

諏訪下官
祝部

寫山破之。直義遣兵援賴房，與尊氏戰於御影濱，大敗之。尊氏入松岡城，將自殺。會饗場氏直至國清營，議和。尊氏遂還京師。高師直師泰伏誅。初，師直師泰屢立功，專橫。時方大亂，親王公卿多流離者。師直乃略其子女為妾，妾有數十。嘗讒殺鹽冶高貞，欲奪其妻。師泰嘗與別第，發菅原氏墳墓，聞參議菅原在，登出怨言，密使人刺之。世莫敢言。及尊氏兄弟和，二高不知所出，欲削髮降。藥師寺公義勸其戰死，不聽。欲航海東投。師冬會甲斐人來告，上杉能憲起上野，應直義擊師冬。師冬終走甲斐，為諏訪氏所攻殺。二高

愕然遂削髮被笠蔽面東走比濟武庫川三浦八郎

左叱師直曰何物比丘敢爾蔽面奪笠觀面曰是也

雞刀斫之師泰望見欲走吉江小四郎鎗刺之師直

子師夏等皆被殺太平記○足利直義畠山國清復叛

東寺長者補任○秋七月赤松則祐歸順請奉征夷大將軍

陸良討足利尊氏聽之太平記○八月足利尊氏請降

不聽國大曆○冬十月尊氏及義詮復請降許之詔討

足利直義初尊氏與直義外和而內不諧直義欲廢

義詮已復執政尊氏勉從之石堂賴房桃井直常等

恃勢橫恣仁木賴章細川賴春等疾之各引還國賴

武藏五郎

師夏

直義復叛

赤松則祐歸順

信濃守則

祐

尊氏義詮佯降

左京大夫

賴章

瀨岐守賴

春

足利義詮廢崇
光院奉正平號
十一月七日
廢位

房直常亦不自安奉直義北歸與尊氏相拒近江敗

而東奔尊氏欲追擊恐官軍乘虛佯乞歸順帝亦佯

許之於是尊氏東伐與直義戰于薩埵山敗之直義

走鎌倉尊氏追擊入鎌倉天正本○十一月足利義

詮請車駕還闕詔許之義詮廢崇光院及太弟直仁

去觀應號奉正平號歷代皇記○十二月敕左近衛中將

源具忠收新劍璽鏡送行宮國太曆號光嚴院崇光院

竝曰太上天皇歷代皇記以前左大臣藤原師基為關白

公卿補任源親房準二宮其餘賞從駕群臣有差太平記○

崇光院所署關白藤原良基以下公卿百僚皆詣行

尊氏殺直義

新左衛門
入道信阿

車駕至男山

五郎正忠

左兵衛佐
兼武藏守
義宗
右兵衛佐
義興

宮。敕降官爵各一等。公卿補任 ○七年。壬辰 ○北朝
春二月。尊氏藥殺弟直義。○車駕發行宮。百僚戎衣
從之。國大曆 使兒嶋高德由良信阿奉密旨赴東國發
新田氏兵伐尊氏於鎌倉。太平記 ○閏月。車駕至男山
楠正儀和田正忠等以河內紀伊兵源顯能以伊勢
兵皆會義詮令細川顯氏賴春拒之。正儀等擊敗顯
氏。斬賴春。義詮走近江。五壇法畧記抄 迎光嚴光明崇光三
院及直仁親王於男山。尋徙之東條。皇年代畧記 ○新田
義宗。義興。脇屋義治等與尊氏戰。武藏破之。襲基氏
鎌倉。走之。義宗奉征東將軍宗良親王與尊氏戰。笛

赤松則祐復叛

天皇衝圍南出

四條大納
言隆資
左兵衛督
康長

治部大輔
滿貞

吹嶺敗績。走越後。喜連川系圖 ○三月。義詮據東山。源顯
能退軍男山。赤松則祐叛降義詮。義詮復入京師。太平記
○夏四月。義詮犯男山。顯能正儀與和田正忠防
戰。佐羅科賊放火民舍。攻之。官軍不利。國太曆 ○五月。
正儀正忠還河內募兵。正忠病卒。正儀未至。賊急攻
男山。帝親擐甲御馬衝圍南出。賊前後來逼。權大納
言藤原隆資等三百餘人死之一。官有種逼帝。藤原
康長擊踏之。至木津。賊又圍而射之。矢及御鎧。康長
單騎防戰。忽有兵百餘來擊。賊走之。帝達行宮。宗良
親王與新田義宗。桃井直常。吉良滿貞。自東北土居

幽三院

義詮立彌仁親王稱帝

八月十七日踐祚明年十二月廿七日即位

山名時氏歸順

足利直冬降

官軍收京師

通治得能通言自西南共赴難聞男山陷皆途還太平記
○六月幽光嚴光明崇光三院及直仁親王於穴生國太
○秋八月足利義詮立彌仁親王稱帝于京師是為後光嚴院皇代初後醍醐帝以偽器授光明院及亂又亡衆議無神器不可踐祚關白藤原良基曰尊氏劍也良基璽也何不可遂立之國太○九月山名時氏其子師義起兵伯耆馳使歸順太平○冬十一月足利直冬亦降國太○八年癸巳北朝夏六月詔楠正儀和田正武等助時氏攻京師足利義詮奉新主走近江官軍收京師太平○七月義詮與

尊氏復還京師

准后源親房薨

司馬光宋人謚溫公著資治通鑑

官軍又收京師

赤松則祐逼京師時氏引還伯耆諸將亦退義詮入京師皇年代○九月尊氏奉新主還京師東寺長○九年甲午○北朝夏四月准三后源親房薨常樂親房具平親王後大納言師重子家稱北畠以博聞聞嘗讀司馬光通鑑有感著神皇正統記三子顯家顯信顯能並勤王事顯能孫世領伊勢每屬官軍尊氏○十二月足利直冬山名時氏奉詔討尊氏桃井直常足利高經並應之攻京師尊氏奉新主走近江歷代皇
○十年乙未○北朝春正月直冬等入京師○二月敕遣大納言藤原隆俊等助直冬據男山尊氏以

尊氏又入京師

足利高經叛

近江兵據叡山細川賴之舉南海兵援義詮義詮時
 在播磨山名時氏擊之神南山敗績○三月直冬與
 尊氏戰京師敗退保男山義詮絕直冬糧道直冬時
 氏直常高經等各引還尊氏義詮復入京師太平記
 ○秋八月聽光明院還京師皇年代○征東將軍宗
 良親王起兵信濃諏訪仁科等應之○十一年丙申
 朝廷文 春正月足利高經叛降尊氏國太○十二年
 丁酉北朝 春正月聽光嚴崇光二院及直仁親王
 還京師○是歲光嚴院從僧順覺雲遊四方而時人
 始莫之知也行歷當時戰爭地多所慙慨及抵紀伊

足利尊氏卒北朝贈從一位左大臣

畠山國清殺新田義興

竹澤右京亮 江戶遠江守

肥後守武光

川有危橋不可輒渡躊躇久之會武人數輩踵至訶
 叱排帝墜水順覺投身揪而出之扶入野亭更衣至
 高野山太平記 ○十三年戊戌 北朝 夏四月足利尊
 氏卒義詮嗣足利系圖 ○冬十月新田義興募兵武藏上
 野畠山國清使竹澤良衡江戶堯寬誘殺之矢口初
 良衡堯寬佯降願奉以為將義興許之從親信十餘
 人至矢口渡良衡堯寬鑿舟柄之伏兵岸側義興比
 至中流舟人抽柄逸去舟將沈伏兵悉起義興大罵
 曰咄為豎子所欺七世必讎汝遂自盡而死太平記 ○
 十四年己亥 北朝 秋七月肥後守菊池武光奉征

筑後河戰
筑後守賴

尚
左京大夫
直氏
刑部大輔
氏時

車駕入金剛山

西大將軍懷良親王與賊將少貳賴尚戰于筑後河
大破之初武光攻筑紫探題一色直氏走之賴尚與
大友氏時降既而叛作九塞武光擊悉拔之○八月
又討賴尚大戰于大原破之賴尚走保寶滿嶽中納
言源顯信權大納言藤原親弘等死之太平記○十一
月畠山國清舉關東兵二十萬西上與足利義詮合
兵犯行宮車駕遷自天野入金剛山御觀心寺園太曆太
平○十五年庚子○北朝延文五年春正月楠正儀和田正武
城赤阪修龍泉龍門平岩八尾砦分兵守之○夏四
月畠山義深攻龍門山大納言藤原隆俊擊破之救

陸良親王叛焚
穴生行宮
彈正少弼
氏範

仁木義長歸順
右京大夫
義長
判官入道
道譽

陸良親王率吉野兵赤松氏範援之陸良叛通賊火
穴生行宮龍門陷帝遣前關白師基討之陸良氏範
敗走○閏月諸砦皆陷○五月畠山國清合軍攻赤
阪和田正武夜斫賊營不利退保金剛山○秋七月
正儀攻水速城拔之山名時氏攻赤松貞範拔其六
城仁木義長歸順義長賴章弟代兄為執事與佐佐
木道譽細川清氏等相軋道譽因結畠山國清除之
國清亦疾義長專擅誣其通南朝遂還兵攻之義長
謂義詮曰諸將以臣為名以作亂也義詮然之因以
義長兵自衛道譽夜入見義詮勸其逃觀變乃出與

國清餓死

伊豆守時

氏

近江判官

秀詮

次郎左衛

細川清氏歸順

門氏詮

相模守清

氏

義長詰詰。義詮出自後門。奔嵯峨。比曉覺之。衆潰。義長走伊勢。諸將奉義詮還。義長至是降。○八月。官軍競起。京師騷擾。人皆歸咎國清。國清時以狐皮蔽膝。時人爲之作狐媚歌。唱者滿衢。國清惧。逃東歸。後爲基氏所逐。至京畿餓死。○是歲旱飢。疾疫流行。道殣相望。○十六年。辛丑。北朝。秋七月。山名時氏降。美作八城。但馬人長信綱。阿保信禪。應時氏兵勢大振。○九月。楠正儀。和田正武。擊佐佐木秀詮。氏詮于攝津。斬之。太平。○冬十月。細川清氏歸順。後愚。先是清氏代義長執事。佐佐木道譽。又忌害之。激之使反。又

官軍又收京師

今川伊豫
守入道了
俊

譖其有異圖。義詮信之。出居外。召兵自備。清氏使人自辨。不聽。乃走若狹。從討之。清氏遂南走。奏曰。足利氏兵。西拒時氏。東備義長。臣請乘其空虛。京師可復。楠正儀曰。元弘以來。官軍五復京。而不能守。力不繼也。今欲取京師。臣一人力可辨。不必待清氏。唯恐已取。復失宜。養威力。徐圖匡復。朝議不聽。○十一月。敕正儀。正武等。大舉助清氏討義詮。攻京師。○十二月。諸將竝進。佐佐木高秀。今川貞世。望風而走。足利義詮奉新主。走近江。官軍焚義詮第。道譽之走。戒守者。具酒食犒師。正儀報以甲馬。禁焚掠。既而時氏。義長

義詮復還京師

東西皆敗。義詮還兵。令赤松氏範直犯行宮。正儀等乃旋軍。義詮復入京師。○十七年壬寅○北朝貞治元年春正月。

掃部助師

月。細川清氏至阿波。徇南海。○夏六月。山名時氏遣

義

兵。徇三備。足利直冬以石見兵助之。其子師義亦略

左馬頭賴

丹波。但馬。○秋七月。足利義詮遣細川賴之。圖清氏

細川氏山名氏始大

賴之。守備未全。說以禍福。往復間備成。乃絕之。挑戰

左京大夫

誘出。斬清氏。自是細川氏。山名氏始大。○九月。菊池

氏經

武義討鎮西探題斯波氏經。走之。遂與菊池武光進

光嚴院崩

至豐後。圍大友氏時等。○十九年甲辰○北朝貞治三年

七月七日

秋七月。光嚴上皇崩。皇胤紹運錄○是歲。大內弘世以周

大內弘世叛

大內介弘

世。防長門。叛降義詮。因授二州守護。尋益以石見。山名

時氏亦降。請因領所略地。義詮許之。為因幡伯耆丹

足利義詮卒

波美作五州守護。仁木義良。石堂賴房等。並叛。太平

○二十二年丁未○北朝貞治六年夏四月。足利基氏卒。子氏

滿嗣為關東管領。○十二月。足利義詮卒。子義滿嗣

喜連川。以細川賴之為管領。輔之。先是。足利基氏薦

賴之。義詮臨終。謂義滿曰。與汝一父。又謂賴之曰。付

卿一子。賴之竭心輔導。撰方正兼文武者。充左右。置

髡者六人。以為弄容。將士有便佞者。目為毛童坊。斬

辱之。於是士風大革。賴之○二十三年戊申○北朝應安元年

三月十一日崩

臨御三十年征戰無虛日

紀元二千〇二十八年戊申歲三月十一日踐祚

新田義宗戰死

春三月。帝崩于住吉殿。花營三代記 壽四十一。帝幼。鎮東

藩入。續大統。雖偏安吉野。粗修舊典。恆以恢復為心。

親路艱危。將士竭力。控制強敵。臨御三十年。征戰殆

無虛日矣。葬河內觀心寺。鳩嶺雜事記前王廟陵記

長慶天皇諱寬成。後村上帝第一子也。後嵯峨院皇統系圖 未詳

所出。正平二十三年三月。後村上帝崩。天皇即位於

行宮。諸書不書即位蓋關文也。故姑書于此。 以皇弟熙成親王為皇

太弟。新葉和歌集嘉喜門院集 秋七月。新田義宗。脇屋義治。起

兵。越後上野。與上杉憲將戰。不克。義宗戰死。義治走

出羽。喜連川系圖 正平二十四年。己酉 北朝春正月。

京師以義滿為將軍。楠正儀降足利氏。建德元年。正平廿五年。改元明。

伊豫守貞世。後圓融院立。

三月廿三日踐祚。文中三年十月廿八日即位。右京亮賴元。

京師以足利義滿為征夷大將軍。○左兵衛督楠正

儀降足利義滿。花營三代記 ○三月。楠氏族討正儀。後愚昧記

○建德元年。庚戌 北朝春正月。脇屋義治出兵。武

藏上野。與上杉朝房等戰。不克。奔信濃。喜連川系圖 ○冬

十一月。和田正武等討楠正儀。攻其城。花營三代記 ○二

年。辛亥 北朝春二月。菊池武光奉征西大將軍懷

良親王起兵。謀復筑紫。與探題今川貞世戰。鎮西川

家。○三月。後光嚴院禪位於太子緒仁。是為後圓融

院。後深心院關白記 ○秋八月。發兵討正儀。細川賴之遣其

子賴元。援正儀入寇。湯淺族百餘人死之。花營三代記 ○

文中元年
建德三年
改元
肥後守武

文中元年壬子○北朝 春二月今川貞世與大內義弘合兵攻菊池武政武政逆擊敗之武政武光子也

菊池武朝
朝申狀

○二年癸丑○北朝 春三月足利義滿使細川氏春犯行在代記 帝幸吉野遊之新葉和○八月

月帝禪位於皇太弟徒御玉川宮

古本帝王系圖雜髮法名覺理號長慶院法皇皇胤紹不知其所崩處

後龜山天皇諱熙成後村上帝第二子也

皇胤紹 母嘉喜門院藤原氏關白經家之女嘉喜門文中二年八月

月受禪於行宮

代記 尊先帝曰太上天皇高野山○內大臣藤原隆俊屯兵天野夜襲細川氏春不克

左馬助氏春

○文中二年八月

天授三年
文中四年
改元

死之花營三代記○天授三年丁巳○北朝 秋八月菊池武朝奉征西將軍懷良親王與大內義弘戰敗

右京大夫
武朝

續菊池族百餘人死之後愚○四年戊午○北朝 秋

左京大夫
義弘

九月菊池武朝奉懷良親王與今川貞世戰託磨原破之菊池武朝○五年己未○北朝 春正月山名義理

義理
陸奧守氏

山名氏清入寇陷土丸城○二月義理等入紀伊陷

藤波石垣二城

藤波石垣二城○三月足利氏滿叛義滿執事上杉

金王氏滿
刑部少輔
憲春

憲春諫氏滿不聽憲春憂懼自殺花營三○十一月

河野通直與細川賴之戰伊豫敗死豫章先是義滿課諸將大營室町第稱花御所驕奢太甚賴之諫不

下野椽義
政左衛門尉
基綱六月廿四日崩
弘和元年天授七年改元開日
新葉和歌集成
楠正儀歸順
後小松帝立
四月十一日踐祚

聽相嫌隙近臣從而譖之義滿罷其職就國賴之即
日上途其弟業氏勸舉族訴屈不聽則遂圖廢立賴
之不許乃赴其國讚岐既而義滿思其功命總管南
海至是入寇花營三 ○六年庚申 ○北朝夏五月下
野人小山義政起兵討宇都宮基綱於裳原斬之倉
大帥 ○六月光明院崩皇胤紹 ○弘和元年辛酉 ○
德元冬十二月中務卿宗良親王上新葉和歌集本
序 ○二年壬戌 ○北朝春正月先是楠正儀歸順至
是與山名氏清戰平尾敗績三刀屋 ○夏四月後圓
融院禪位於太子幹仁是為後小松帝歷代 ○小山

元中三年
弘和四年
改元開日
若丸後
稱惡四郎
隆政
刑部丞則
義
小田五郎舉兵
播磨守滿
幸
山名氏清為亂

義政與足利氏滿兵戰敗死鎌倉大 ○是歲山名氏
清悉略和泉紀伊獨吉野屬行宮 ○元中三年丙寅
朝至德 秋七月小山若丸田村則義與足利氏滿
戰下總古河敗死喜連川 ○九月赤松氏範與足利
義滿兵戰播磨清水而敗氏範及子氏春家則祐春
秀則皆死之赤松 ○四年丁卯 ○北朝春三月小田
五郎舉兵常陸據宍戶男體城 ○五年戊辰 ○北朝
夏五月上杉朝宗攻陷男體城小田五郎死之喜連
圖 ○八年辛未 ○北朝冬十二月山名氏清山名滿
幸稱兵叛足利義滿義滿親討之氏清滿幸敗死初

楠氏亡
尾張守義深

以父子之禮授神器

閏十月五日讓位
七月十五日崩

紀元二千〇五十二年壬午

山名時氏為五州守護其八子皆顯於世氏清義理及取南海其所領跨十州世呼曰六分一氏謂六分海內而有其一也明德九年壬申北朝夏五月義滿令畠山義深攻金剛山楠氏亡○十月義滿來請和曰駕還授器則兩統更立如故事許之天皇駕腰輿發行宮關白以下皆從群臣多戎衣閏月二日御大覺寺義滿欲用來降禮不聽帝以父子之禮授神器於後小松帝續神皇正統記應永元年二月薙髮法名金剛心古本帝二十九年七月崩于小倉殿薩戒記後小松天皇諱幹仁後伏見帝玄孫後圓融院長子也

申歲閏十月五日即位

皇統分緒五十七年

朝鮮來修隣好

應永元年
明德五年
七月五日改元

義持為將軍
左近衛中將義持

母通陽門院藤原氏內大臣公忠之女皇年代畧弘記和二年四月踐祚時年六歲天祚禮祀職掌錄皇胤紹運錄明德三年閏十月五日帝受神器於土御門殿初自後醍醐天皇南巡至此凡五十七年皇統分緒京畿阻域及帝受神器海內始一統車書同文軌續神皇正統記條家○是歲朝鮮遣使請修隣好許之足利家傳○四年癸酉夏四月後圓融院崩○應永元年甲辰春二月尊後龜山天皇曰太上天皇皇年代畧記○十一月關白師嗣罷以左大臣藤原經嗣為關白年立○十二月征夷大將軍足利義滿罷以其子義持為大將軍以義滿

金閣寺成

正月十三日
崇光院崩

二條家以將軍
偏名冠其名始
此

為太政大臣。公卿補任○二年乙亥夏六月。義滿辭太
 政大臣。削髮稱道義。年立○四年丁丑夏四月。義滿營
 別業於北山。起金閣。徙居焉。稱北山殿。今金閣寺是
 也。又造一殿禁內。每朝就取安。稱小御所。每造朝。公
 卿皆下階拜跪。嘗遊叡山。擬上皇行幸儀。北山行幸
記○是歲。少貳忠資。菊池貞賴等起兵。筑紫。義滿遣
 大內義弘討平之。應永○五年戊寅春三月。關白經嗣
 罷。以前關白師嗣為關白。師嗣良基三子也。家號二
 條。公卿補任足利義滿授權大納言藤原道忠。以滿字。更
 名滿基。滿基師嗣子也。爾後二條家世用足利氏名

大內義弘作亂
官內少輔

詮直
七郎時清
右衛門佐
基國
治部大輔
義將

遣使于明修好

一字以冠其名。足利家譜○冬十一月。關東管領足利氏
 滿卒。子滿兼襲其職。源氏系圖○六年己卯夏四月。關白師
 嗣罷。經嗣復任。○冬十月。大內義弘作亂。舉周防長
 門兵。東據界城。土岐詮直。山名時清等應之。義滿自
 軍。男山遣畠山基國。細川賴元。斯波義將等將兵三
 萬討之。斬義弘。詮直時清等皆平。時足利滿兼與義
 弘通謀。欲東西夾攻京師。出軍武藏府。聲言援京師。
 義滿謀知之。將討之。滿兼執事上杉朝宗。百方講和。
 乃賜滿兼以足利莊。應永○八年辛巳義滿遣僧祖阿
 於明。通好。參議菅原秀長作書。書辭甚恭。先是我西

明人策封義滿
日本國王

足利義滿薨

明主諡恭獻王

南不逞之徒。侵擾外國。元主令韓人來請為戢之。元
 亡。明興。明主元璋亦文中。年間數託僧來請路梗不
 通。至是始通信。後皆以僧為之。善隣國實記。○九年。壬午明
 主封義滿為日本國王。義滿受之。如是院年代記。○十五年。
 戊子。夏四月。關白經嗣罷。以左大臣藤原忠嗣為關白。
 公卿補任。年立鈔○五月。足利義滿薨。年五十一。稱鹿苑院。
 足利。詔贈太上皇號。義持辭不受。尊卑分脈。明主吊之。贈
 書諡恭獻王。善隣國實記。尊氏義詮之世。諸將徂恩。叛服
 無常。自氏清義弘伏誅。無不畏服者。世稱義滿生歲
 戊戌。字皆從戈。故能以戈戟平天下也。明德記○十

明使來聘

八月廿九
日讓位
十月廿日
崩

紀元二千〇
七十二年壬
辰歲八月廿九
日踐祚

左馬頭持
右衛門佐
氏憲

八年。秋九月。明使來聘。至攝津兵庫。卻之。如是院年代記。
 ○十九年。壬辰秋八月。帝禪位於躬仁親王。椿葉聽政
 院中。後小松帝薙髮。法名素行智。皇年代永享五年
 十月崩。壽五十七。葬泉涌寺。後小松帝昇遐。皇胤紹運錄

稱光天皇。諱躬仁。後改實仁。後小松帝長子也。母光範
 門院藤原氏贈左大臣資國之女。續神皇正統記。應

永十九年八月受禪。時年十二。萬機皆決。後小松上
 皇。椿葉仍用應永號。續神皇正統記。○應永二十三年。丙申冬

十月。鎌倉管領足利持氏罷。其執事上杉氏憲。以上
 杉憲基代之。初憲顯為鎌倉執事。子孫世秉權柄。憲

氏憲居山內憲
基居扇谷稱兩
上杉

左兵衛佐
持仲

將軍義持殺弟
義嗣

顯之姪朝宗亦補執權由是二族尤強盛足利至是判鑑朝宗子氏憲居山內憲顯曾孫憲基居扇谷稱兩上杉持氏與氏憲有隙奪其權十二月氏憲奉持氏子持仲作亂攻持氏持氏奔駿河依今川範政圖復鎌倉持氏滿兼子也鎌倉大帥子湘山星移集○二十四年酉春正月義持令關東諸將援持氏攻復鎌倉持仲氏憲皆自殺○二十五年戊春正月大將軍義持殺其弟大納言義嗣初義滿愛義嗣請超遷其官爵居北山第勢威出義持右及鎌倉事起與氏憲通謀將襲幕府事覺遣兵圍之削髮出亡至是獲殺之椿葉記鎌倉大帥子○

明使來請通好

高麗寇對馬

明使又來請通
好義持諭之永
絕通好

六月明使呂淵來請通好不許和漢符合符○十一月關白經嗣薨○十二月以右大臣藤原滿教為關白轉左大臣公卿補任康富記○二十六年己亥夏六月高麗戰艦千三百餘艘寇對馬筑紫兵擊卻之賊艦沒海死者無算僧裔英大日本傳○是歲明使又來請通好義持使僧西堂諭之曰曩者我先君惑使臣之言猥通外國自後神人不和雨暘失序先君亦即世遺命誓諸神祇永絕外國之通問去歲既諭以此意今有使而至蓋前諭未達也又責以海嶋小民數侵邊陲是實我所不知也當命沿海之吏禁止之使者又請見義持辭曰

隣國通好安邊利民非不欲也然而寡人所以不敢接使臣者抑亦有說焉先君得病卜之曰諸神降譴以故虔恭精禱神又憑人曰我國自古未嘗稱臣外國比者違前聖之制受封爵而不卻所以致疾也於是先君大懼誓於明神以無受外國使命使子孫固守遺命故吾要彼此不往來各保封疆民至老死而不相知不亦可乎遂永絕通好善隣國寶記 ○二十九年寅秋八月常陸人小栗滿重據小栗城叛足利持氏字都宮持綱桃井宜義等諸族皆應之持氏遣上杉重方攻之○冬閏十月佐竹常元反持氏遣上杉房

權太郎持綱

義量為將軍左近衛中將義量

足利義量薨

實擊平之足利判鑑 ○三十年癸卯春二月足利義持辭征夷大將軍詔以其子義量襲職義持削髮號道詮足利家傳花管三代記 ○五月足利持氏自將擊小栗滿重滿重敗走持氏旋師向宇都宮持綱亡走捕而斬之宣義等亦被虜斬鎌倉大子 ○三十一年甲辰夏四月關白滿教罷以左大臣藤原持基為關白公卿補任 ○三十二年乙丑春三月征夷大將軍足利義量薨年十九薩戒記 ○是歲甲斐人武田信長叛持氏命上杉房實擊之不鎌倉大子利足利判鑑 ○三十三年丙午夏六月持氏遣一色持宗擊信長不利持氏自將攻之信長逆戰于猿橋

赤松滿祐稱兵
左京大夫
滿祐
越後守持
貞

正長元年

應永三十
五年四月
廿七日改
元
足利義持薨

會武藏七黨兵繼至。信長遂出降。錄倉大○三十四
年丁未冬十月。赤松滿祐據其邑稱兵。前大將軍義持
將討之。十二月。赤松持貞自殺。赦滿祐入京師。持貞
滿祐族也。有寵於義持。爭邑相訴。義持庇持貞。滿祐
怒。自焚其第。奔歸播磨。遣諸將討之。諸將素疾持貞。
連署訴之。請赦滿祐。義持不得已許之。令持貞自殺。
滿祐還京師。薙髮稱性具。赤松系圖如○正長元年。
戊申春正月。前大將軍義持薨。年四十二。贈太政大臣。
足利初。義持懲義嗣。悉使諸弟為僧。及義量早世。無
子。眾議立鎌倉管領持氏。持氏聞喜。之管領畠山滿

尾張守滿
家

僧宗純奏定皇
嗣

右兵衛督
義淳

七月廿日
崩

家等忌其難制。更議探籌石清水祠。遂奉僧義圓立
之。義圓者。義持同母弟。為青蓮院僧正。於是蓄髮改
名義宣。後改義教。持氏由是與義教有隙。足利○帝
久疾而無嗣。薩戒上皇簡所立僧宗純。奏曰。彥仁王
宜繼大統。上歌諷之。年譜上意乃決。告之義教。義教
遣斯波義淳於伏見迎王入宮。椿葉上皇養為子。薩
記目初宗純母入上皇宮。有姪。既而遭讒。出宮。生宗
純於民家。自少為僧。器識絕人。上皇屢召入宮。進對
稱旨。遂定皇嗣。年譜○秋七月。帝崩。壽二十八。火葬。
泉涌寺藏御骨於深草法華堂。皇胤紹運錄皇年代
畧記前王廟陵記

紀元二千〇八十八年戊申歲七月廿八日踐祚

後花園天皇諱彥仁崇光院曾孫貞成親王子母敷政

門院源氏贈左大臣經有之女續神皇正統記帝踐

祚時甫十歲如是院年代記關白左大臣持基攝政公卿補任年立

鈔○正長元年戊申秋八月伊勢國司北畠滿雅反葉

記初義滿之主和議也後龜山帝約以兩統迭立續

皇正以故皇子小倉宮欲入繼大統不得遂與滿雅

謀起兵義教令土岐持賴討之滿雅戰死小倉官降

居之嵯峨薩戒記滿雅親房之曾孫也源氏系圖○永享

元年己酉春三月足利義教為征夷大將軍足利家傳○秋

九月義教捕補光正殺之光正削髮稱常泉潛匿南

小倉官良 泰親王後 龜山帝弟 三子 大膳太夫 持賴 永享元年 正長二年 九月五日 改元 義教為將軍 五郎左衛門光正

十二月廿七日即位 多武峯僧為亂

都會義教至南都光正欲狙擊不成遂被誅看聞御記○

冬十二月即位於太政官廳公名○二年庚戌春三月

多武峯僧攻小川弘氏義教命罷兵不聽建內義教

遣山名赤松等諸將攻多武峯永錄年○四年壬子秋

八月持基罷攝政以左大臣藤原兼良攝政尋罷復

以持基代之公卿補任○是歲義教遣使于明明主

遣內官雷春等報聘善隣國實記○五年癸丑春三月罷持

基攝政為關白公卿補任○六年甲寅夏六月明主瞻基遣

使來聘贈銅錢三十萬緡於義教薩戒記看○冬十

月延曆寺僧徒有訴入京師將軍遣兵防卻之薩戒

明使來聘貢銅錢三十萬緡

遣使于明

大膳太夫
信榮

多武峯陷

安房守憲
實

○九年丁卯春三月。義教遣細川成之。土岐持賴。一色
義範。武田信榮等。攻多武峯。永錄年代記○八月。楠
氏族起兵河內。守護兵討斬之。薩戒○十年戊午夏五
月。義教殺一色義範。義範妻有姿色。及義範于役。義
教遣人召之。妻輿中自殺。義教恐義範聞之。令武田
信榮殺之。劫濁發心集是月。大和人越智箸尾攻多武峯。
拔之。正文年遂焚堂舍。義教連歲用兵。大和至是始
平。永錄年○秋九月。鎌倉管領持氏。逐其執事上杉
憲實于上野。○冬十月。大將軍義教下教關東。發兵
助憲實擊持氏。○十一月。執持氏囚于永安寺。結城戰場

新續古今和歌
集成

上杉憲實為關
東管領

掃部助憲
直
右京亮直
兼

記 ○是歲權中納言藤原雅世上新續古今和歌集。
延喜中。勅紀貫之等撰古今集。自後歷朝有勅撰。至
是凡二十一部。拾芥是為二十一代集。宣胤○十一
年己卯春二月。義教攻殺持氏。令上杉氏管領關東。初
持氏冀將軍不得。居常憤憤曰。吾何屈還俗將軍哉。
憲實驟諫不聽。上杉憲直一色直兼。因譖憲實。持氏
令一人徵兵。兵多屬意憲實。不為持氏用。持氏不得
已。自造山內。面諭憲實歸罪。憲直。憲直逃藤澤。事乃
釋。持氏冠其子賢王故事。鎌倉管領子元服。必受將
軍偏諱。持氏不屑之。名曰義久。諸將皆賀。憲實不賀。

中務少輔
持房
治部少輔
教朝

三浦時高
板持
氏

出奔上野。訴之京師。義教以故上杉氏憲二子持房
教朝為大將。分道東伐。與憲實合。關東將士多應憲
實者。持氏立其子義久。使三浦時高輔之。守鎌倉。自
軍武藏。當憲實教朝。遣上杉憲直防持房。持房大破
憲直于早川尻。進逼鎌倉。三浦時高叛通京軍。執義
久。諸軍合圍持氏。持氏兵散亡。持氏窮蹙。欲自殺。憲
實遣使止之。諭諸將解圍。持氏削髮。徙永安寺。憲實
歸罪憲直。直兼誅之。馳使京師。請宥持氏。死不聽。至
是。使諸將逼持氏自殺。命憲實為管領。憲實固辭。結城
戰場 義久自盡於憲實家。年十一。東寺過 ○三月。上

清方為關東管
領

朝鮮來聘

七郎左衛
門氏朝
七郎光久
結城氏朝為亂

杉憲實召弟清方於越後。為管領。自削髮。號長棟。後
詣長春院。拜持氏影。曰。臣無他心。天實鑑之。乃挺刀
刺腹。為其臣所支。不果。結城戰 ○是歲。朝鮮王李禔
遣使來聘。善隣國 ○十二年。庚午春正月。持氏子春王
安王。投結城氏朝。初二。王逃荒山。至是。氏朝遣子
光久迎之。聚兵據城。因大聚宗族。修結城古河二城。
分兵守之。足利 ○秋七月。上杉清方以義教令。將諸
國兵。圍結城。城氏朝力拒。數破。上杉氏軍。義教益發
兵。又起憲實視師。憲實辭不聽。憲實乃率東北三道
兵。攻氏朝。氏朝勉勵士卒。嬰城固守。憲實等不能拔。

嘉吉元年

永享十三

年二月十

七日改元

七郎成朝

美濃金蓮

寺

○嘉吉元年辛酉夏四月。結城古河皆陷。氏朝父子戰死。城兵悉死之。獨持氏季子永壽王走。信濃。氏朝季子成朝走常陸。春王安王被執而西。義教遣使者迎。二王戮于途。遇之垂水。吏乃入道傍佛寺進浴。二王二王亦知其意。正坐受刃。春王年十三。安王年十一。首至京師。義教召其乳母。問持氏子猶在乎。乳母不答。嚙舌而死。結城戰場記。鎌倉大艸子。○五月。將軍義教殺弟義昭。義昭為大覺寺僧正。與後龜山皇子親善。聞關東兵亂。勸皇子乘此時以遂宿志。密遣人約菊池氏起兵。竊自蓄髮。事覺逃匿。竟被捕殺。文正年代記。諸門迹譜。○六

赤松滿祐弒將

村伊豆守貞

偶人奏鸚飼曲

右京太夫持之
右衛門佐持豐

月。赤松滿祐弒大將軍義教。初滿祐族曰貞村。自叔父持貞與滿祐相隙。義教寵貞村。每事抑制滿祐。遂欲割滿祐所領與貞村。滿祐大恚。因伏甲士而請義教。義教即往。置酒高會。觀散樂。樂至鸚飼而甲發。義教將起。甲士耦進斬之。滿祐火其第。奔播磨。建內先是幕府宿直者。見偶人數十奏鸚飼曲。忽而不見。人以為怪。至是始知其為凶兆云。永享記。○義教子義勝在伊勢貞經家。諸將議立之。時年八歲。足利家傳。○八月。勅管領細川持之討赤松滿祐。山名持豐與族教之。教清先進。圍白旗城。城中糧盡。不能拒戰。九月遂拔。

赤松滿祐伏誅
修理大夫
教之
相模守教

嘉吉
持豐自平賊恃功專橫管領不能制建內○二

清
左衛門督
持國
義勝為將軍尋
薨

康富
○十一月以足利義勝為征夷大將軍足利官位記公

名
○三年癸亥秋七月足利義勝薨足利家傳弟義成嗣立

生八歲改名義政足利系圖○九月前權大納言藤原有

光等起兵入禁中取神璽寶劍擁王子為萬壽寺僧

稱金藏主者據叡山管領畠山持國遣兵攻之金藏

主有光敗死棄寶劍於清水寺傍吉野遺民奉神璽

擁王子二人據吉野圓滿院僧圓胤亦還俗更名義

南朝皇族
金藏主

對馬與朝鮮約
互市
有天地根元歷代圖○是歲對馬主宗貞盛與朝鮮

約互市和漢合運每歲遣船五十艘若額外遣船謂之特

送朝鮮歲給米豆二百石自是交易不絕海東諸國記○

文安元年甲子夏六月南朝遺臣奉義有王擁神璽據

紀伊北山集兵南方記○二年乙丑冬十一月關白持基

薨以左大臣藤原房嗣為關白公卿補任○義政罷管領

畠山持國以細川勝元代之尊卑分脈○四年丁卯夏六月

關白房嗣罷以太政大臣藤原兼良為關白康富記○

十一月尊無品親王貞成曰太上天皇皇年代畧記○先

是畠山持國遣兵攻紀伊北山殺義有王至是傳首

右京大夫
勝元

嘉吉四年
二月五日
改元

文安元年

殺義有王

寶德元年
文安六年
七月廿八日
改元

義政為將軍

琉球貢錢

京師朝議梟之。關白兼良以為不可。遣判官坂上明世等驗視其首。王後村上皇子泰成之子也。諸門跡譜康富
記○寶德元年。己丑春正月。義政以持氏子成氏為鎌倉管領。初越後守護上杉房定欲立持氏胤子。以慰藉衆心。乃索獲永壽。請之京師。京師議許之。賜永壽名成氏。成氏至關東。房定輔翼之。上杉憲實聞之。不自安。與其子二人為僧。巡行諸國。鎌倉大卿子後卒于周防。湘山星移集○夏四月。義政任征夷大將軍。足利官位記○是歲。義政罷管領細川勝元。復以畠山持國代之。富記○三年。辛未秋七月。琉球來貢錢一千緡。足利家傳○是

享德元年
寶德四年
七月廿五日
改元

長尾資仲等為亂

右京亮憲忠

歲。義政遣使于明。善隣國寶記○享德元年。壬申冬十月。細川勝元再為管領。尊卑分脈○二年。癸酉夏四月。關白兼良罷以右大臣藤原持通代之。公卿補任○長尾景仲。太田資清。作亂於鎌倉。初上杉憲實亡命也。其少子龍若尚幼。在伊豆民家。義政使其臣長尾景仲輔之。居山內。改名憲忠。襲執事職。時太田資清輔上杉顯房。於是景仲資清頗擅威權。遂襲成氏。成氏奔江嶋。景仲資清追躡至。由井濱。千葉胤直。小田持家等擊破之。景仲等退還。成氏訴之京師。義政遣人和解之。鎌倉大卿○三年。甲戌秋七月。關白持通罷。以左大臣藤原房

義就政長闕堵

尾張守彌

三郎政長

右衛門佐

三郎義就

山名衛門

佐入道宗

全

義就奔河內

河內守國助

礪貝兵衛尉

平為關白公卿補任○八月盜焚畠山持國第初持國無

子養弟持富子政長為嗣已而生義就義就母日短

政長佯為狂病卜者曰必有近親咒詛者持國意政

長所為立義就為嗣欲殺政長政長逃依細川勝元

勝元與山名持豐援政長畠山氏家臣皆往從之既

而持國第火持國逃入從弟義忠家義就奔河內依

家宰游佐國助持國使人謝勝元復立政長自屏居

建仁寺勝元乃以政長入謁幕府幕議知火持國第

者勝元等所為勝元歸罪家臣礪貝斬之以說長祿記

富○冬十一月義政將誅持豐勝元固請宥之持豐

成氏殺上杉憲忠

左馬頭後

左兵衛督

成氏

康正元年

享德四年

七月廿五日

改元

下野守等

讚岐守成

亦上書謝罪退居但馬嘉吉記應仁外記○十二月足利成

氏殺其執事上杉憲忠成氏已長怨上杉氏殺其父

與結城氏朝子成朝謀殺憲忠家宰長尾昌賢等立

憲忠弟房顯為將招集關東兵訴成氏之罪京師鎌倉

大大富富記○康正元年乙亥春正月成氏討憲忠餘黨至

武藏與上杉憲秋顯房戰于分陪大敗之斬憲秋顯

房上杉房顯收合敗卒據小栗城成氏追擊又破之

房顯走下野宇都宮等綱據城拒守成氏又攻破之

等綱走白河敵兵望風降附聲勢大振鎌倉大○夏

五月山名持豐攻赤松則尚殺之初細川成之與赤

持豐攻殺赤松則尚常陸介祐之

遠江守範忠

義就入京政長奔大和八月廿九日崩壽八十五椿葉記成

松氏善滿祐弟祐之及子則尚因成之請赦義政從之應仁外記祐之遂起兵播磨據壇德山持豐怒曰吾以功受封豈容賊徒遣種發兵攻之則尚祐之敗走遂自殺嘉吉記○六月關白房平罷持通再任關白公卿補任○義政命今川範忠討成氏成氏敗績走古河範忠縱火焚鎌倉邸第府庫悉蕩燼鎌倉大○是歲畠山持國卒畠山義忠請召還義就義政許之義就入京師政長不得在京師出奔大和文正年○二年丙秋八月太上天皇崩稱後崇光院歷代皇記法皇初為親王為稱光帝所忌薙髮稱道欽嘗著椿葉記錄崇光以

長祿元年康正三年九月廿八日改元

稱將軍曰公方石見太郎祐元三條內大臣

後皇室喪亂之事椿葉記世以為實錄○是歲義政遣使朝鮮修鄰好善隣國寶記○長祿元年丁丑夏六月義政以澀川義鏡為關東探題初成氏走古河也武藏相摸上總下總將士多屬之不從京師令故義政委義鏡以鎮撫之職使諸將受其節度以上杉房顯為管領以討成氏於是上杉持朝城河越太田資清城巖付太田資長城江戶○十二月澀川義鏡議曰關東不置主帥無所受令乃請之京師義政以弟政知為關東公方時稱將軍曰公方鎌倉大○先是赤松氏遺臣石見太郎事前內大臣藤原實量請曰神璽今

政則奉神璽以
贈弒逆罪
二郎政則

寬正元年
長祿四年
十二月廿
一日改元
義政窮極靡麗

在吉野願取以奉之以贖弒逆之罪乃使同志之士
佯降吉野至是殺二王子取神璽獻之上月記應
仁外記○
二年戊寅秋八月詔赦赤松政則分加賀備前伊勢數
縣與之上月記政則年纔五歲初滿祐之死也其弟義
雅見擒其子為僧曰性尊政則即其子也建內
記山名
持豐怒政則遭放計出石見使人刺殺石見應仁
外記持
豐削髮曰宗全為人長身赭面人呼曰赭入道○寬
正元年庚辰春二月地大震時比年凶荒道殣相望而
義政營邸宅窮極靡麗高倉第障子一間直二萬錢
其他稱之以故征賦什倍前代借畿內富商之金率

帝賜義政
詩曰殘民
爭採首陽
薇處處閉
爐鎖竹扉
詩興吟酸
春二月滿
城紅綠為
誰肥

義政信佛禁殺
大飢

一歲不過數次至義政時則一月或八九次故事每
將府有大議課諸將助其費率十歲一舉義政五歲
九舉天下凋弊民疲其役帝憂之賦詩賜義政義政
乃罷役天地根元歷代
圖重編應仁記○三月捕楠氏族在吉野者
悉殺之四塚季瓊
日錄○秋九月義政課諸將致花木植
之而義就所致適枯義政信佛禁殺義就放鷹義政
聞之大怒逐義就義就入若江城保之遣畠山政長
討之義就走嶽山却濁發心畧
記長祿記○是歲大飢餓萃滿
路京師作叢塚數十瘞之如是院
年代記○四年癸未夏四月
關白教房罷前關白持通復任公卿
補任○政長復攻義

義就敗走匿高野

雪舟歸自明
雪舟備中
赤濱人

七月十九日讓位

十二月廿七日崩

就於嶽山拔之。先是細川勝元遣兵援政長。攻陷若

江金胎寺。二城圍。義就於嶽山。義就善守。累年不下。

至是遂陷。義就逃匿高野。長祿記○是歲僧等揚還

自明等揚號雪舟通禪學。又善丹青。明主召畫禮部

院之壁。以是著名。居三年始歸。畫法益進。世以為神

品云。丹華若木集○五年甲申秋七月帝禪位於成仁

親王。皇年代應仁元年九月。薙髮法名圓滿智。皇胤

錄年文明二年十二月崩。壽五十二。山霞山火葬。悲

田院。安御骨於丹波山國常照寺。親長稱後文德院

改稱後花園院。皇胤紹運錄親長記

紀元二千一百二十四年
甲申歲七月十九日踐祚

後土御門天皇諱成仁。後花園帝子也。母嘉樂門院藤

原氏。內大臣信宗之女。寬正五年七月受禪。皇胤紹

以前關白持通為關白。公卿○十一月義政罷管領

細川勝元。以畠山政長代之。尊卑○義政奏以弟義

視為嗣。初義政無子。弟義尋為僧住淨土寺。義政欲

養為嗣。義尋固辭。義政誓曰。吾後有子。必襁褓為僧。

義尋乃蓄髮改名義視。以勝元輔之。將軍家譜時紀

綱紊亂。賞罰無常。近江人熊谷者知世將亂。上書諫

之。義政怒奪其采邑。○六年乙酉春三月。義政遊花頂

山。若王子等觀花。尋至伊勢春日。鹵簿從衛窮極靡

熊谷左衛門尉

上下罷敝民皆思亂

文正元年寬正七年二月廿八日改元

治部大輔義廉右兵衛督義敏左京大夫義直伊勢守貞親

義就還京師

應仁之亂兆于此

麗由是賦役無度。上下罷敝。民皆思亂。應仁○十一月。義政生子義尚。後改義熙。足利家譜○文正元年。丙戌夏四月。義政罷斯波義廉。尾張遠江越前守護。以其族義敏代之。遣使曰。宜以第宅付義敏。時義廉與山名持豐約婚。持豐聞之。大怒。與土岐成賴一色義直六角高賴等集兵。為備。義廉亦集兵自守。京師騷然。伊勢貞親為義敏妹夫。而為義政所親任。掌幕府出納。甚有權。諸將連署。訴其罪狀。義政逐之。於是貞親義敏皆奔。○十一月。畠山義就被赦。還京師。初。義政妻富子。以義熙不欲為僧。而難渝。義視約。又細川勝元

應仁元年

文正二年

三月五日

改元

左衛門督

政長

持豐黨義就勝

元接政長

輔之難搖。念諸將抗勝元者。唯山名持豐。密召持豐。託之。持豐與勝元有隙。故受託不辭。持豐以為義視襲職。則勝元得志。不如輔之。以為世嫡。且今與吾戮力者。唯義就而已。因請赦之。召還為援。義政許之。○應仁元年。丁亥春正月。故事。大將軍歲首臨管領。第受饗。時畠山政長為管領。設供請焉。不臨。十五日。臨山名持豐宅。已而持豐率義就。義廉以下諸將。詣幕府。請使政長避本第。納義就許之。遣使諭旨。勝元。勝元曰。臣將面對焉。使者復命。久之不至。遂與政長集兵。守其第。持豐亦召兵守幕府。義政令曰。政長義就宜

御靈林之戰

勝元第在幕府
東持豐第在西

大膳大夫
持清
次郎政則

勝元兵凡十六
萬人

各以手兵相決。諸將莫得援。義就曰：可也。十八日，義就擊政長于御靈林。持豐潛援義就，政長敗走。義就復入本第。世強勝元不援政長，以為怯。勝元慙杜門不出。勝元第在幕府東，持豐第在西。義視往來兩軍間，和解之不聽。○二月，勝元徵所管攝津、丹後、和泉、淡路、阿波、讚岐、土佐備中參河兵，政長以紀伊河內、斯波、義敏以越中、京極、持清以近江之半、隱岐出雲、武田國信以飛騨、安藝若狹、赤松政則以加賀皆屬焉。兵十六萬。持豐聞之，發但馬因幡播磨伯耆石見備前美作兵，義就以大和及河內紀伊故黨，畠山義

持豐兵凡十一
萬人

東軍每勝

持豐火一色政
氏第

純以能登。斯波義廉以越前尾張遠江六角高賴以近江之半，一色義直以丹波伊勢土岐成賴以美濃皆屬焉。兵凡十一萬。兩軍絡繹入京師，京師人民負擔奔竄。應仁○二月，義政以斯波義廉為管領。將軍○夏五月，關白持通罷前太政大臣兼良為關白。次○夏五月，關白持通罷前太政大臣兼良為關白。公卿○義政令曰：先戰者我敵也。一色義直第在幕府前，勝元遣兵屯實相院，逼之。義直走，勝元乃入幕府，請旌旗樹之第門，迎義視入府中。持豐怒攻實相院，不克。自是兩軍交戰京中，東軍每勝。應仁○夏六月，持豐兵火一色政氏第，風勢猛烈，公私屋舍延燒。

大內分政 弘

西軍復振

勝元迎乘輿于幕府

中納言教 具

三萬餘區。大內政弘率周防長門兵三萬入援持豐。西軍復振。東軍每失利。應仁外記○秋八月。勝元疑幕府近臣有為西軍耳目者。請逐一色政熙。上野政直等十二人。十二人怒曰。內旨在西。西勝則唉。東勝則鬻。何獨吾輩。勝元從殺之。既而持豐圖犯闕。奪乘輿。勝元迎帝及上皇于幕府。○秋九月。西軍遣義就。政弘等攻相國寺。奪之。或說勝元曰。是吾東西受敵也。乃遣政長復取之。勝元請復伊勢貞親。伺察幕府。義視素惡貞親。不自安。遂奔伊勢。依北畠教具。應仁外記○二年。戊子。春正月。以斯波義良為管領。義良。義廉子也。

義視入西陣

文明元年 應仁三年 四月廿八日 改元

二尾加賀 筑前太郎 教賴

十二月廿七日崩

○夏五月。義良罷。復以勝元為管領。尊卑分脈○秋九月。詔召還義視。時有飛語。勝元謀廢立。義政疑懼。將潛赴西軍。勝元乃使人將義視上叡山。持豐遣兵迎取。入西陣。自是兩軍如將軍兄弟戰者。應仁利家譜○文明元年。丑。春三月。勝元縱火襲持豐營。持豐督戰卻之。應仁外記○秋。大內政弘。臣二尾等作亂。周防政弘引還。太宰少貳教賴起兵對馬。侵筑前。圖復舊地。赤松政則亦復播磨。備前。美作。足利家譜○二年。庚。秋七月。關白兼良罷。公卿補任○秋八月。左大臣藤原政嗣為關白。善隣國寶記○十二月。後花

葬後花園法皇
悲田院

大膳大夫
持清

左兵衛督
政知

園法皇崩于室町行宮。○二年辛卯春正月。火葬法皇於悲田院。時泉涌寺為賊所據。故葬于此。親長記○近江守護六角高賴起兵。將入京師。京極持清擊破之。應仁高賴持清並佐佐木定綱之後。高賴五世祖。秦綱始稱六角。持清高祖高氏始稱京極。世為近江守護。佐佐木系圖應仁以來。兩家攝兵。累世相爭。干戈無弭。總見記○三月。足利成氏攻足利政知。政知逆戰三嶋。不克。上杉政真遣兵援之。成氏敗走。○夏五月。上杉顯定遣長尾景信攻古河城。拔之。成氏走下總。○四年壬辰春。成氏攻古河城。拔之。尋擊政真于五十子。斬

持豐勝元皆卒

義熙為將軍

求明國勘合印

遣使于明求典
籍銅錢

之。鎌倉大○五年癸巳春三月。山名持豐卒。年七十。○夏五月。細川勝元卒。年四十四。親長記○冬十二月。義政罷征夷大將軍。以子義熙拜征夷大將軍。公卿補任足利家○六年甲午秋九月。義政贈書朝鮮。求明國勘合印。善隣國寶記○七年乙未春正月。行四方拜。應仁以降。朝典悉廢。至是諸節會皆復舊。長興記○秋八月。義政遣使于明。求典籍及銅錢。京華集○九月。延曆寺僧擊六角高賴。破之。初高賴掠奪延曆寺封邑。僧徒請討之。美濃尾張兵援高賴。僧徒竟敗還。長興記○八年丙申夏五月。關白政嗣罷。左大臣藤原政基代之。公卿補任○冬

行宮火

西軍奔散

民部大輔
顯定

十一月。室町行宮火。永享行幸記累代典籍悉蕩燼。天皇幸義政小川第。遷御北小路第。長興記○九年。丁春正月。武田信賢攻赤松政則。戰北小路。矢及行宮。將軍義熙親出止之。事稍定。○秋九月。畠山義就奔河內。○冬十月。土岐成賴奉義視奔美濃。西軍將士悉奔散。應仁以來十一年間。兵革相踵。京師為戰區。至是始平。親長記○是歲。畠山政長復為管領。足利家譜○十年。戊春正月。足利成氏與上杉顯定講和。尋還古河城。鎌倉大子○秋八月。義政與義視行成。長興記○十一年。己亥春二月。關白政基罷。右大臣藤原政家代之。公卿

前關白兼良著
公事根源
僧一休寂

銀閣成

補任○十三年。辛丑夏四月。前關白兼良薨。兼良才學絕倫。博涉古今。明通典故。宣胤記所著公事根源。花鳥餘情等。皆行于世。書籍目錄○十一月。僧宗純寂。年八十八。宗純號一休。善詩。性闊達。不拘泥矩度。詼諧翫世。晚年為大德寺住持。後建瞎驢庵于東山。居焉。其所著書有狂雲集。一休年譜○十五年。癸卯春二月。關白政家罷。前左大臣政平代之。公卿補任○三月。義政遣使於明。復求銅錢。○秋七月。義政築東山別業。起銀閣。以擬金閣。徙居焉。稱東山殿。京華集集古器名畫。屢設茗宴。以遣世慮。足利家傳茶人周光之徒。尤見親近。自是茶

湯盛行云傳書○十七年己未秋八月大將軍義熙與成氏行成喜連川○十八年丙午秋七月上杉定政殺其執事太田資長資長有方略削髮稱道灌時定政居相摸大場上杉顯定在上野平井交構兵道灌精築城之術築江戶河越二城招八州將士將士多背顯定歸定政顯定縱反間使定政殺道灌道灌臨死作歌聞者哀歎焉將士又叛定政定政失勢求援於成氏東山殿日記○長享元年丁未春二月關白政平罷前內大臣藤原政忠為關白公卿補任○夏五月義熙以細川政元為管領政元勝元子也細川系圖○秋九月

修理大夫 定政 太田源五 備中守資 長 太田道灌卒 幾能布麻呂 滿久未字蒼 字余以禮於 伎之弊牟那 之敷玖呂以 摩也赴梨討武 長享元年 文明十九 年七月廿 日政元 右京大夫 政元

義熙召六角高賴不至義熙自將討之高賴走匿甲賀山義熙進軍鉤里足利家譜○二年戊申夏六月一向宗徒起加賀擊富樫介政親殺之加越大亂親長記加越關白補任○秋八月關白政忠薨內大臣藤原冬良為關白公卿補任○延德元年己酉春二月大將軍義熙薨于鉤里年二十五足利家譜義熙好學嘗就前關白兼良諮問治道兼良為著樵談治要文明一統記在軍中猶講左氏春秋及薨遠近皆哀惜焉文錄○夏四月義政召義視於美濃養其子義材為嗣後改名義植親長記○二年庚戌春正月前大將軍義政薨年五十六足利

延德元年 長享二年 八月廿一 日政元 足利義熙薨 關白兼良著樵 談治要文明一 統記 足利義政薨

義植為將軍

駿河守氏親
新九郎氏茂
北條氏茂使人
讀三略

傳家義政荒耽酒色。委政婦人。賄賂公行。刑賞僭濫。天下大亂。禍延數世。云應仁義植嗣立。○秋七月。義植拜征夷大將軍。足利官位記拾芥抄○三年。辛亥。春正月。前大納言義視薨。○夏四月。足利茶茶丸弑其父政知。足利系圖初政知愛後妻子。義遐疎茶茶。茶茶怨望。遂弑之。義遐時年十三。奔依今川氏親。氏親遣其將伊勢氏茂。誅茶茶。義遐後改名義澄。足利李世記○氏茂遂取伊豆城。韭山而居焉。改氏曰北條。北條記嘗召儒士講黃石公三略。其首有言曰。主將之法。務攬英雄之心。氏茂聽之。曰。止矣。吾既得之。不復使說。甲陽軍鑑○秋八月。義

明應元年
延德四年
七月十九日
改元

彈正少弼
義豐

植自將討六角高賴。詔賜錦旗。○明應元年。壬子。春正月。義植擊破高賴。遂拔觀音寺。高賴走甲賀。足利李世記○冬十月。義植帥舟師進至森田。高賴潰走。乃凱旋。和長記是歲。義植遣使于明。京華集○二年。癸丑。春二月。冬。良辭關白。右大臣藤原尚通代之。公卿補任○夏四月。畠山政長奉將軍義植擊畠山義豐。軍正覺寺。細川政元與義豐合謀攻之。義植脫身走筒井。政長戰死。政就子也。先是。義就死。義豐嗣。據河內。常忌害政長。政長請而伐之。政元與政長爭權。因援義豐。閏月。捕義

左京大夫

義興

義澄為將軍

三浦義同弑其父

三浦介時

高

陸奥守義

同

式部大夫

實賴

北條氏茂獵管

根

植以歸幽之記親長○秋七月義植逃奔越中尋西依

大內義興義興政弘子也宣胤記○冬十二月義澄

為征夷大將軍足利家譜○三年甲寅秋九月三浦義同弑

其父時高初時高無子養義同為嗣後生一子欲廢

義同義同逃相摸小田原城主大森實賴助之襲時

高於新井城時高自殺北條記○四年乙卯春二月北條

氏茂襲大森實賴於小田原破之略其地初氏茂與

實賴善使人言實賴曰吾獵韭山其獸逃管根願公

以管根假我我得縱獮取焉實賴許之乃率兵百餘

人被獵裝踰函根先縱牛數十頭鼓譟隨之憑高馳

左京大夫
氏綱

下直入城內實賴惶駭不知所為出奔二浦氏茂遂

取小田原城使子氏綱據之關東兵亂記○六年丁巳夏六

月關白尚通罷內大臣藤原尚基代之公卿補任○冬十

月關白尚基薨前太政大臣藤原良冬為關白宣胤和

長未○八年己未春正月畠山尚順與畠山義豐戰于河

內義豐敗死天正年代記○冬十二月細川政元使赤澤

朝經納畠山義英於河內尚順拒戰不克奔紀伊應仁

後義英義豐子也畠山系圖○九年庚申秋九月帝崩于土

御門殿黑戶壽五十九皇胤紹運錄稱後土御門院和長

時天下騷亂資料不納靈柩在黑戶歷四十餘日十

朝經薙髮
稱宗益
九月廿八
日崩

一月火葬泉涌寺。三畧秘抄事記藏御骨於深草法華堂。長和

記

後栢原天皇諱勝仁。後土御門帝第一子也。母贈皇太

紀元二千一百六十年庚申歲十月廿五日踐祚

后源氏權大納言長賢之女。親長記皇年代畧記明應九年十月

文龜元年

月踐祚。拾芥○文龜元年辛酉春二月將軍義澄奏罷

明應十八年二月廿九日改元

義植官爵。將軍家譜○夏六月關白冬良罷。以內大臣藤

永正元年

原尚經代之。公卿補任○永正元年甲子秋九月上杉朝良

文龜四年

與北條氏茂合兵與上杉顯定戰于楯河原。敗走顯

二月三十日改元

定攻朝良於河越。朝良講和朝良定政子也。關東兵亂記

五郎朝良

○三年丙寅秋九月長尾為景攻其君越後守護上杉

顯定

長尾為景弒上

杉房義

房義弒之。房義顯定弟也。北條記足利季世記○四年丁卯夏六

香西元近弒細川政元

月細川政元宰香西元近弒政元立政元養子澄之

源九郎澄

宣胤○秋七月三好長輝以阿波兵奉政元養子澄

之

元討元近誅之及澄之立澄元初政元無子養關白

筑前守長輝

藤原政基子澄之又養族政春子高國皆不稱意更

左京大夫

養族細川義春子澄元澄元猶幼在阿波付長輝輔

澄元

之元近恐澄元立長輝專權陰謀殺政元於浴室聞

民部少輔

長輝北上城嵐山拒之敗死長輝乃請以澄元為管

政春

領將軍義澄輒從之。足利季世記○五年戊辰春三月大

武藏守高國

內義興奉前將軍義植大舉東上細川高國舉兵應

大內義興大舉入京師

國史略第二卷

足利義植復為將軍

地大震遠江地沒為海

之入京師大將軍義澄奔近江依六角定賴長輝以
 澄元奔阿波嚴助○夏五月長輝與定賴夾攻京師
 長輝敗走定賴引還足利季○秋七月義植復任征
 夷大將軍奏削將軍義澄官爵足利官位以義興為
 管領○六年己巳秋七月上杉顯定討長尾為景為景
 敗走越中關東兵○冬十月盜入幕府義植自格鬪
 手殺四人身被九創盜逸去蓋義澄所為也永正年
 ○七年庚午夏六月上杉顯定討長尾為景敗死於長
 森原關東兵○秋八月地大震遠江海溢陸沒為海
 今切渡是也足利季○是歲對馬主宗義盛遣子盛

前將軍義澄薨

修理太夫朝興

弘將兵擊朝鮮拔二城進戰于熊川敗死宗系○八
 年辛未秋八月前將軍義澄薨于近江武家○細川政
 賢舉兵入京師大內義興奉將軍義植避之丹波義
 興還襲政賢於舟岡山斬之○九月義植還京師以
 義興為管領足利季○九年壬申秋八月北條氏茂攻
 三浦義同拔岡崎住吉二城圍荒井城上杉朝興來
 援氏茂逆擊走之關東兵○十年癸酉春三月義植伐
 六角定賴敗還足利季○冬十月關白尚經罷前左
 大臣藤原尚通代之○十一年甲戌秋八月關白尚通
 為太政大臣右大臣藤原兼輔為關白公卿○十三

氏茂拔荒井城

年。丙子秋七月。北條氏茂拔荒井城。氏茂攻圍累年。不能拔。至是城中糧盡。士卒困憊。城將大森越後等。謂義同曰。宜走上總。以圖再舉。義同曰。持氏之死。吾父實為之。而吾亦有弑父之罪。積惡之報。安往而逃乎。今日之事。枕城有死耳。氏茂諜知之。鼓衆疾攻城。陷。誅義同父子。盡略相摸。北條記 ○十五年。戊寅春三月。關白兼輔罷。內大臣藤原尹房代之。公卿補任 ○夏五月。蝦夷作亂。蠣崎光廣討平之。光廣若狹。守護武田國信孫。父信廣。始到松前時。蠣崎修理太夫為本國城主。會蝦夷蜂起。信廣討之有功。蠣崎以女妻之。因冒蠣

義同子義意稱荒次郎

蝦夷作亂

北條早雲卒

崎氏為本國城主。徙治松前後。寢拓疆域。為蝦夷會長。松前系圖 ○秋八月。大內義興就國。以細川高國為管領。足利季世記 ○十六年。己卯秋八月。北條氏茂卒。年八十八。氏茂削髮號早雲。早雲曰。計復北條氏故業。以成其宿志。祈于三嶋神祠。夢有大杉二株。一蠟齧其根。仆之。化為虎。既覺。召卜人占之。卜人曰。公生歲次子。子為蠟神。是公克兩上杉之兆也。早雲心竊喜焉。子氏綱嗣。亦有勇略。善用兵。北條記 ○冬十月。細川澄元率南海兵。至兵庫。細川高國遣兵一萬防之。不利。 ○十七年。庚辰春二月。三好長輝擁細川澄元入京師。

大永元年

永正十八

年八月廿

三日改元

本願寺光兼獻

金資大禮

權大僧都

法印實如

上人號教

恩院

浦上村宗弼赤松義村

攻細川高國。高國敗走。近江發兵。還攻京師。澄元走。

阿波。長輝與其二子自殺。○夏六月。澄元卒于阿波。

足利季世記 ○大永元年辛巳春三月。帝即位。皇胤紹運錄 初帝

之立也。喪亂日久。府庫耗竭。是以不能行大禮。二十

年于此。內大臣藤原實隆憂之。喻本願寺僧光兼。光

兼獻黃金一萬兩。供其費。因勅光兼。准門跡。永傳子

孫池藻 ○細川高國。逐將軍義植。義植奔淡路。足利季世

記 ○夏六月。高國迎故義澄子義晴。於播磨立之時。

年十一。和長記 詔罷將軍義植職。足利季世記 ○秋九月。浦

上村宗弼。其主赤松義村子晴政嗣。赤松系圖 村宗專權。

左京大夫 義村

義晴為將軍

伊豫守經久

少輔次郎元就

正四位下大膳大夫

兼陸奥守廣元

前將軍義植薨

民部大輔 憲政 左馬頭高基

義村惡其偏。討之不克。村宗幽之於室津。遂弑之。赤松

記 ○冬十一月。義晴為征夷大將軍。和長記 ○是歲出

雲國守尼子經久。略安藝。安藝將士皆屬之。獨毛利

元就屬大內義興。數與經久戰。義興不救。元就屬經

久。元就大江廣元裔也。毛利記 ○三年癸未夏四月。前將

軍義植薨于阿波。年五十八。公卿補任 ○四年甲申春正月。

北條氏綱攻上杉朝興于江戶城。拔之。朝興走保河

越城。關東兵亂記 ○五年乙酉夏四月。關白尹房罷。右大臣

植家代之。公卿補任 ○關東管領上杉憲房卒。子憲政幼

弱。家臣議以足利高基子晴直為嗣。改名憲廣。襲管

崩 四月七日

領職喜連川判鑑川 ○六年丙午夏四月帝崩壽六十三和長記

稱後栢原院火葬泉涌寺二水記藏御骨於深草法

華堂二水記

國史略卷之三十一 終

終

